

بِسْمِ اللّٰهِ الرَّحْمٰنِ الرَّحِیْمِ

داغ ماتم

(جلد سوئم)

نوحہ جات 2001 عیسوی

معجزات قلم

شہزادہ فصیح البیان

السید محمد جعفر الزمان نقوی البخاری

مصنف کا نام : مخدوم السید محمد جعفر الزمان نقوی البخاری

کتاب : داغِ ماتم جلد سوئم

مرتب : مہتاب اذفر

تکنیکی معاونین : علی رضا، بلال حسین

سنہ اشاعت : 2012ء

تعداد : 1000

ایڈیشن : اول

پرنٹرز : فدرک پرنٹنگ پریس لاہور

پبلشرز : القائم ویلفیئر ٹرسٹ (رجسٹرڈ) کراچی

کمرہ نمبر 11 اے اینڈ کے چیمبر 14 ویسٹ اینڈ و ہارف روڈ

کراچی نمبر 2 پوسٹ کوڈ 74000 پاکستان

فون نمبر : 021-3220537, 32311979, 32311482

Email-klbehaidar@yahoo.com

ملنے کا پتہ : المنظرین پبلیکیشن جن شاہ ضلع یہ

فون نمبر : 0606460259

ویب سائٹ : www.Khrooj.com

www.jammanshah.com

Email.jammanshah@gmail.com

ISBN-969-8809-

هو السبوح القدوس اللرب الملائكة و الروح هو البديع الانوار والارواح
يا مولا كريم عجل الله فرجك و صلوات الله عليك

انتساب

اُس محسن اعظم صلوٰۃ اللہ علیہ کے نام کہ جنہوں نے اپنے بے
پایاں اور بے کراں کرم سے ہم سب کو عزاداری اور
نوح خوانی برائے دعائے تعجیل فرج آل محمد علیہم الصلوٰۃ والسلام کا
شعور عطا فرمایا

جمعہ نقوی

﴿یا مولا کریم﴾

عَجَّلَ اللَّهُ فَرَجَكَ وَصَلَّوَاتُ اللَّهِ عَلَيْكَ

فہرست

نمبر شمار موضوع مطلع صفحہ نمبر

- | | | |
|----|---|---|
| 1 | تیاری از مدینہ، وداع شہزادہ علی اکبر علیہ الصلوٰۃ والسلام | 1 |
| | جے میڈی یادستاوے توں بھین نہ رونویں | |
| 3 | تیاری از مدینہ | 2 |
| | آکھے سین سخی عبد اللہ کوں | |
| 5 | تیاری از مدینہ | 3 |
| | عباس ہمشیر دے سفر اں داجس وقت سوچیندن | |
| 7 | تیاری از مدینہ | 4 |
| | آواز آئی سین دی تربت توں نہ چن گھبرا | |
| 9 | تیاری از مدینہ | 5 |
| | آکھے بھین اکبر دی نانے کوں | |
| 11 | تیاری از مدینہ | 6 |
| | روروکے آکھے امڑی عباس باوفا کوں | |

- 7 جوڑی پاک جناب مسلم علیہ الصلوٰۃ والسلام 13
- میڈی جوڑی پچی ہے نال ویندی
- 8 شہزادہ علیؑ اصغر علیہ الصلوٰۃ والسلام 15
- دل ٹھرویندائے مانواں داجاں جھولی
- 9 شہزادہ علیؑ اصغر علیہ الصلوٰۃ والسلام 17
- یاد کریندیاں اصغر گولوری ہے لب تے آ ویندی
- 10 شہزادہ علیؑ اصغر علیہ الصلوٰۃ والسلام 19
- تیڈی یاد اصغر ہر ویلے میڈا درد و دھیمی زندگی بھر
- 11 شہزادہ علیؑ اصغر علیہ الصلوٰۃ والسلام 21
- آکھے معصومہ ڈسوا مڑی کیوں اصغر وی بولیند انہیں
- 12 شہزادہ علیؑ اصغر علیہ الصلوٰۃ والسلام 23
- کچھ کوئی حرم توں ظالم کیا تیڈی کوئی اولاد نہیں
- 13 شہزادہ علیؑ اصغر علیہ الصلوٰۃ والسلام 25
- تہاڈی لحدتاں بنڑ گئی ہے اصغر میں آپ
- 14 شہزادہ علیؑ اصغر علیہ الصلوٰۃ والسلام 27
- رو آکھن ما اصغر دی سرتاج امانت گھن میں توں
- 15 شہزادہ علیؑ اکبر علیہ الصلوٰۃ والسلام 29
- وَنَجْ بِیْشِکْ ہنڑ میدان اکبر ایوس کھڑ کے نیرو ہا نہیں
- 16 شہزادہ علیؑ اکبر علیہ الصلوٰۃ والسلام 31
- ودا گھوڑا بھجداے فوجاں وِج ہے غش اکبر تے طاری

- 17 شہزادہ علیؑ اکبر علیہ الصلوٰۃ والسلام 33
- جگ خون دے نال رنگیاں زلفاں اکبر دیاں
- 18 شہزادہ علیؑ اکبر علیہ الصلوٰۃ والسلام 35
- وَنج آ کھو عوں دی امڑی کوں ہنٹر لعلؑ پیڈا
- 19 شہزادہ علیؑ اکبر علیہ الصلوٰۃ والسلام 37
- کوئی آخری خواہش چن اکبرؑ چارن توں قبل ڈساؤہا
- 20 شہزادہ علیؑ اکبر علیہ الصلوٰۃ والسلام 39
- آعون دی ماسیکوں آپ ڈسا پیا ٹردا پتر جوانے
- 21 شہزادہ علیؑ اکبر علیہ الصلوٰۃ والسلام 41
- تساں کل سینیں منہ پھیر گھنوں میں چھکنائے
- 22 شہزادہ علیؑ اکبر علیہ الصلوٰۃ والسلام 43
- ہنٹر لاش جوان دی خیمیاں وچ
- 23 شہزادہ علیؑ اکبر علیہ الصلوٰۃ والسلام 45
- میڈا اکبرؑ ہٹاؤی امڑی کوں جھولی پانون
- 24 مہندی پاک، شہزادہ امیر قاسم علیہ الصلوٰۃ والسلام 47
- توں مہندی لا بنری ونجے گزرنہ رت سگناں دی
- 25 وداع شہزادہ امیر قاسم علیہ الصلوٰۃ والسلام 49
- میں روک نہیں سنگدی بنرا کیوں جو
- 26 شہزادہ امیر قاسم علیہ الصلوٰۃ والسلام 51
- گیا ٹر بنرا جڈاں خیمے توں پچھے درد جگر کوں لا کے

- 27 53 شہزادہ امیر قاسم علیہ الصلوٰۃ والسلام
ہر سین دے افر ماوے بنرا لہندا ہے
- 28 55 شہزادہ امیر قاسم علیہ الصلوٰۃ والسلام
ہنڑ بنرا لہ گئے زین اُتوں پئے شامی سنون کریندن
- 29 57 شہزادہ امیر قاسم علیہ الصلوٰۃ والسلام
بنری کوں آ کھولاش بنے دی سہا ونجے
- 30 59 شہزادہ امیر قاسم علیہ الصلوٰۃ والسلام
آ وُحسن بھرا تساں خود ڈیکھو جیویں قاسم
- 31 61 شہزادہ امیر قاسم علیہ الصلوٰۃ والسلام
آ کھو بنری کوں ہنڑ آ کے بنرے دی لاش سہا وے
- 32 63 شہزادہ امیر قاسم علیہ الصلوٰۃ والسلام
جڈاں بنرے کوں گل لایا شہزادی عجم و عرب دی
- 33 65 شہزادہ امیر قاسم علیہ الصلوٰۃ والسلام
ہر سال حسن دے جانی دی اے بیج بڑا نون لازم ہے
- 34 67 شہزادہ امیر قاسم علیہ الصلوٰۃ والسلام
تہا کوں ملن پئی آندی ہے بیوہ ماتوں بنرا اکھیاں کھول
- 35 69 شہزادہ امیر قاسم علیہ الصلوٰۃ والسلام
وَنج ویرن بہہ توں خیمے وِچ ہے لاش تے آنوناں
- 36 71 سرکار کردگارِ وفا علیہ الصلوٰۃ والسلام
ظلم جتنے امت و ساوے پئی میڈا غازی

- 37 سرکارِ کر دگارِ وفا علیہ الصلوٰۃ والسلام 73
- قرآن و فادان دے وِج پیا جھنڑ دا ئے
- 38 سرکارِ کر دگارِ وفا علیہ الصلوٰۃ والسلام 75
- جڈاں لاش عباس دی چانوں کوں ٹریا سید
- 39 سرکارِ کر دگارِ وفا علیہ الصلوٰۃ والسلام 77
- ڈیکھ کے لاش اپنے خالق دی کھول کے سر
- 40 سرکارِ کر دگارِ وفا علیہ الصلوٰۃ والسلام 79
- پرسہ میں ڈیواں کیویں جل کے فضل دی ما کوں
- 41 سرکارِ کر دگارِ وفا علیہ الصلوٰۃ والسلام 81
- معصومہ سین پچھدن رور و فضل دی ماتوں
- 42 سرکارِ کر دگارِ وفا علیہ الصلوٰۃ والسلام 83
- آقا ڈتائے یکدم مکا تھا ڈے ڈکھاں عباس کوں
- 43 سرکارِ کر دگارِ وفا علیہ الصلوٰۃ والسلام 85
- آکھے معصومہ میں بھل پئی ہاں دو عالم داسردار
- 44 شب عاشور 87
- عاشور دی شب کرے غازی دعا
- 45 شب عاشور 89
- ڈیکھ کے ویردارِ خاکیاں دی پیاس
- 46 شب عاشور 91

جیڑھی بھین کوں پک ہو ویرمیڈا مہمان ہے چند گھڑیاں دا

93	شب عاشور	47
	بہو ساریاں سینیں نال میڈے	
96	شب عاشور	48
	رات آج دی ہے چھاں بھرانواں دی	
98	شب عاشور	49
	کر ویر دعا ٹر بھین ونجی آج ڈینہ اُبھرن توں پہلے	
100	صبح عاشور	50
	صبح تھندی پئی ہے ڈاھویں دی ساری آلِ عبا	
102	مظلوم علیہ الصلوٰۃ والسلام کے سجدہ آخر کی عظمت	51
	حسین تیرا زمانے پہ چھا گیا سجدہ	
104	مظلومیت کی حقیقت	52
	ظلم و ستم کا حربہ عجب کام کر گیا	
106	شہادتِ عظمیٰ	53
	میڈا بابا باہر گئے زین اُتوں میں ملن اُنہاں کوں	
108	شہادتِ عظمیٰ	54
	آکھے شمر کیوں اوکھے وقت آقا	
110	شامِ غریباں	55
	ہنڑ آنجف دا وِلی وطنیں ساکوں پچا توں	
112	وداعِ مقتل	56
	امت دُتن کل دُکھ و سا اکبر تِڈی جاگیر وچ	

- 57 114 وداعِ مقتل
کر بھینیں کوں چن ویر دعا ہنر ساڈی شام تیار ہے
- 58 116 وداعِ مقتل
با بے پاک دی لاش اُتے توں کھول نہ اپنے وال
- 59 118 وداعِ مقتل
پچی ہاں میں سفر تے ویندی غازی بغیر ویرن
- 60 120 معصومہ سین پاک سلوٰۃ اللہ علیہا
سمہ خاک تے معصوم دھی با بے داسینہ جانڑ کے
- 61 122 معصومہ سین پاک سلوٰۃ اللہ علیہا
میں ول نہ روساں با بے کوں میکوں معاف چا کر بیمار
- 62 124 معصومہ سین پاک سلوٰۃ اللہ علیہا
ہور ڈیسیں توں کیا سزا ظالم ہر توں ودھ ہے
- 63 126 معصومہ سین پاک سلوٰۃ اللہ علیہا
ڈیکھو آ بابا اصغر داس میکوں چھوڑ گئی ہے معصومہ
- 64 128 رہائی از شام، تاثرات
قیداں تاں چھٹ گیاں ہن کیوں اپنی پاک ما کوں
- 65 130 چہلم پاک، داخلہ کر بلا
آندیاں پنہن پاک سینیں مریم ردا آ وچھاوے
- 66 132 چہلم پاک، داخلہ کر بلا
آج سینیں دی تعظیم کرن پے کل مظلوم ہن آندے

- 134 67 چہلم پاک ، والدہ پاک شہزادہ علی اکبر علیہ الصلوٰۃ والسلام
چل اکبر پتر ہنڑ گھر چلیے تیری بھین اڈ یکدی ہونڑی ہے
- 136 68 چہلم پاک
نمھی پھر دی باجھ دعائیں دے ایہا کرن دعائیں آئیاں
- 138 69 چہلم پاک
ہوندائے ساہورا گھر مستور کیے کل بخت
- 140 70 چہلم پاک
بھائیاں دے شہرتوں میں کیا کیا لٹا کے آئی ہاں
- 142 71 چہلم پاک
جہاں ڈٹھا ہارڈا وطن اُتوں ساکوں غازی عزتاں نال
- 144 72 چہلم پاک
میں توں کچھ دی ہے ما اصغر دی میں رہیاں ڈھیر گولیندی
- 146 73 چہلم پاک
قاسم توں ہنڑ وطن تے سہرہ ولا سجا کے
- 148 74 چہلم پاک
آویرن میکوں گل چالا بہوں مدت رہی ہاں میں سکدی
- 150 75 چہلم پاک
ہمشیر کیے بیڈا کوئی وی ڈکھ چن ویر بھلا نوناں مشکل ہے
- 152 76 ملکہ ء دو جہاں صلوٰۃ اللہ علیہا
قرآن جیندی دلیز کوں چم ہی مگند اذن نزول

154	ملکہ ۽ دو جہاں صلوٰۃ اللہ علیہا	77
	قسمت ڈکھایائے میکوں دربار ڈکھ آئی ہاں	
156	ملکہ ۽ دو جہاں صلوٰۃ اللہ علیہا	78
	دربار وچوں میں آئی ہاں جیڑھے ٹکڑے سند دے چاکے	
158	وصیت ملکہ ۽ دو جہاں صلوٰۃ اللہ علیہا	79
	تساں ماہے بنڑناں سارے گھردی	
160	بیامدینہ معظمہ بی بی صلوٰۃ اللہ علیہا	80
	سجّاد ویرمیڈی وِج کے لحد بنڑانویں	
162	بیامدینہ معظمہ بی بی صلوٰۃ اللہ علیہا	81
	کونین وِج ڈکھاں دی ہک وکھری کر بلائے	
164	مولا امیر المومنین علیہ الصلوٰۃ والسلام	82
	آکھیا دائی میں ڈکھ آئی ہاں	
166	مولا امیر المومنین علیہ الصلوٰۃ والسلام	83
	عبّاس تہاڈیاں بھینیں ہن آج وین کریندیاں پیاں	
168	مولا امیر المومنین علیہ الصلوٰۃ والسلام	84
	ایں کوفے وِج میڈی لائق دھی ہک وار	
170	مولا امام سید الساجدین علیہ الصلوٰۃ والسلام	85
	عین جواں ہئی ویراکبردا کر جھکائی ہئی غیرت نے	
172	مولا امام سید الساجدین علیہ الصلوٰۃ والسلام	86
	چچہ شقیّاں توں بارہواں آقا ہی عابد قصور کیا کیتا	

- 174 87 مولا امام موسیٰ کاظم علیہ الصلوٰۃ والسلام
زند ان دے وچ آج ٹر گئے ہن
- 176 88 مولا امام موسیٰ کاظم علیہ الصلوٰۃ والسلام
اعجاز امت نال رضا جڈاں سر بابے تے آئے
- 178 89 مولا امام علی حقی علیہ الصلوٰۃ والسلام
آ کھوونج ملعون عباسی کوں توں خوشیاں منا
-☆.....

یا مولا کریم

﴿نوحہ پاک﴾

جے میڈی یاد ستاوے توں بھین نہ رونویں
جے میڈا ہجر رُواوے توں بھین نہ رونویں

.....

سفر دے وِچ تاں کئی صدمے آندے رہندے ہن
جے میڈا ڈکھ کوئی سنڑاوے توں بھین نہ رونویں

.....

جے لوڑھ بابے کوں پئے گئی میڈی جوانی دی
جے تیڈا ویر نہ آوے توں بھین نہ رونویں

.....

میں صدقہ بنڑناں ہے پھوپھیاں دی پاک چادر دا
جاں کوئی اے آ کے ڈساوے توں بھین نہ رونویں

.....

میں ٹر ونجاں ، اتے سامان میڈا ول آ کے
تہاکوں کوئی جے ڈکھاوے توں بھین نہ رونویں

.....

وسے او ویر جو آہدا ہا بھین کوں جعفر
جے دیر ویر چا لاوے توں بھین نہ رونویں

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَهُ الشَّرِيف

یا مولا کریم

﴿نوحہ پاک﴾

آکھے سینِ سخی عبداللہ کوں ہنڑ ساڈے ٹرن دا وقت آ گئے
حق مہر دے وِچ جیڑھی شرط آہی اوہا پوری کرن دا وقت آ گئے

.....

میڈے ویر دی اُج تیری ہے میں نال ہے ونجناں ویرن دے
میڈی ویر کوں سخت ضرورت ہے ساڈے نال ونجن دا وقت آ گئے

.....

ساکوں بابے پاک ڈسایا ہا ہے جو کچھ ہونوناں سفر اں وِچ
میڈا کربل دے وِچ وحدت دے ہنڑ بھرم رکھن دا وقت آ گئے

.....

میڈے کربل نکھڑ بھرا ویسن میں پور بچانونائے سینیں دا
میکوں ڈسدائے ساڈے کربل وِچ ہنڑ خیمے ٹھرن دا وقت آ گئے

.....

میکوں علم ہے وَنَج کے شام دے وَج میں ویر دا خون بچانوناں ہے
 بازار اِچ میڈا بھائیاں دے ہنٹر پر سے جھلن دا وقت آ گئے

.....

جعفرؑ ایں سینؑ دی جوڑی کوں پاوے سہرے ساڈا پاک سخی
 آ کھن امری کوں تہاڈے پتراں دے ہنٹر سگن سنون دا وقت آ گئے

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَهُ الشَّرِيف

یا مولاکریم

﴿نوحہ پاک﴾

عبّاس ہمشیر دے سفر اں دا جس وقت سوچیندن رو ڈیندن
جس وقت قناتاں مسجد دے در پاک تے لیندن رو ڈیندن

.....

ہن کیوں جو ضامن پردیاں دے ، احساس ہن تہوں پردے دا
تظہیر دے پردہ داراں دے محل جاں سچیندن رو ڈیندن

.....

سجّاد ہے عین جلال دے وچ ہن اکھیاں سرخ مسافر دیاں
مظلوم جڈاں کل سبھاں کوں خود صبر ڈیویندن رو ڈیندن

.....

ارمان ایہو ہے دل دے وچ کیوں سینیں سفر پسند کیتائے
انج محملاں کوں تیار کرو جڈاں کہیں کوں ڈسیندن رو ڈیندن

.....

خود وَنَج کے شہر مدینے وِچ اعلان کریندن پردے دا
کوئی باہر نہ آوے جاں کہیں کوں تاکید کریندن رو ڈیندن

.....

جعفرؑ ہنڑ میڈے وارث دا بدلے دی ہیل توں جگر ٹھرے
جیڑھے اَج بھی سین دے سفران کوں بہہ یاد کریندن رو ڈیندن

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

آواز آئی سینِ دی تربت توں نہ چن گھبرا میں نال ہوساں
تھاڈے سارے ڈکھاں درداں وِچ اُجڑی دا بھرا میں نال ہوساں

.....

میں اپنیاں نونہاں دھیاں دی بھائیواں ہوساں کل درداں دی
خود چھوڑ بقیع کوں سفران وِچ میڈا لعل سدا میں نال ہوساں

.....

تساں لاشاں چیسو پتراں دیاں میں پرے جھلیساں رو رو کے
تھاڈے نال چویساں ہر لاشہ ڈیکھیں لعل میڈا میں نال ہوساں

.....

جڈاں خیمے ٹھرن دھیاں دے میں پہرے ڈیساں رو رو کے
کل اپنیاں نونہاں دھیاں دے خود باپردہ میں نال ہوساں

.....

بازاراں وِچ توں بھینیں دے نہ پردیاں دی کوئی فکر کریں
 بازار اِچ بنڑ کے ہر موقعے سلطانِ وفا میں نال ہوساں

.....

جعفرؑ اوں مالک سینؑ دا گھر آباد ہووے جو بچڑے کوں
 فرمیندن بیڈے درداں وِچ میڈا ماہ لقا میں نال ہوساں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

آکھے بھین اکبر دی نانے کوں شہ کرب و بلا کوں روک گھنو
انہاں ونجناں ہے ول نہیں ولناں آج بھین بھرا کوں روک گھنو

.....

تساں جانزدے ہو انہاں سفراں دا انجام جو تھیوناں ہے نانا
کل سینیں نال ہنر وطن اُتے سلطانِ وفا کوں روک گھنو

.....

ڈیکھ آئی ہاں عون دی پاک امڑی ہن ویرن نال تیار کھڑے
شالا پردے رہ محفوظ ونجن تساں عون دی ما کوں روک گھنو

.....

ساڈی بابا گالھ تاں سنزدے نہیں تساں حکم جاں ڈیسو رک ویسن
اے ہر دا سفر شہادت ہے کل آلِ عبا کوں روک گھنو

.....

تہا کوں علم ہے ویر علی اکبر توں میڈی ہک لمحہ وی نہیں نبھدی
میڈی خاطر نانا سفر اں توں میڈے پاک بھرا کوں روک گھنو

.....

جعفرؑ ایں ہجر دی ملکہ کوں ہنٹر خوشیاں ویر دیاں مل پونون
جو رو آہدی ہئی نانے کوں ہر ماہ لقا کوں روک گھنو

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

رو رو کے آکھے امڑی عبّاس با وفا کوں
رکھیں خیال غازی
سفریں پیاں ٹریندی میں آلِ مصطفیٰ کوں

مشکل دے وِچ توں غازی کریں زندگی نہ پیاری
ہر حال وِچ بچانویں توں سین دے بھرا کوں
رکھیں خیال غازی

تھاڈی زندگی دے وِچ تاں میڈا جوان بچڑا
نہ کوئی زوال آوے کہیں سین دی ردا کوں
رکھیں خیال غازی

لکھ وار لاش ہووے پامال گو تہاڈی
 سرتاج پچیا راہوے اکبر دی پاک ما کوں
 رکھیں خیال غازی

روئے دے وچ تہوں میں تربت تے ہتھ رکھا کے
 تاکید ہاں کریندی عباس میں تہاکوں
 رکھیں خیال غازی

جعفر وفا دی ملکہ ڈیکھے وسدے پاک ویڑھے
 آکھن تیڈی وفا وچ ڈسے فرق نہ اسا کوں
 رکھیں خیال غازی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولاکریم

﴿نوحہ پاک﴾

میڈی جوڑی پئی ہے نال ویندی احسان ایہو فرماہے چا
آسی پہلی عید تاں رستے وِچ رلے جوڑی دے گزراہے چا

.....

جتھاں عید دا چن تہا کوں ڈس پووے سڈ کولھ بلھائے جوڑی کوں
میڈی طرفوں ہک ہک کمن کوں گل کئی کئی وار لواہے چا

.....

رمضان شریف دے بعد تساں وَج پہنچنا ہے کوفے وِچ
میڈی طرفوں میڈی جوڑی کوں ما بنڑ کے پیار کراہے چا

.....

ہک عید تاں باجھ میں پتراں دے رو رو کے چا گزریاں
قربانی والی عید اُتے میکوں لعل ضرور ملاہے چا

.....

تساں جتنے بھی مصروف ہووو ، اُتھاں ہوسن غلام ہزاراں
ڈوہیں ویر مسافر بھینیں دے چا کہیں دے نال بچا ہے چا

.....

اے تاں چار مہینے ہن آقا میڈا ہک ڈینہ وی ہے اوکھا
اے وی مونجھے ہوسن ہر صورت چن وطن اُتے پچوا ہے چا

.....

جعفرؑ دا وارث پاک آوے ، مک جانون ہجر دُکھی دے
تساں عید دے ڈینہ میڈی جوڑی توں ایہا پاک دعا کروا ہے چا

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

دل ٹھہر دیندائے مانواں دا جاں جھولی لعل سمہندیاں ہن
ممتا کوں تسکین ہے ملدی جسدِ لوریاں ڈیندیاں ہن

.....

دل دی نازک کوئیل وانگوں ڈسدے ہن معصوم سدا
ہوٹاں وچ ہے روح آ ویندی جسدِ پیار کریندیاں ہن

.....

پینگھا ہوندائے دل مانواں دا جیندے وچ چن سمہدے ہن
گویا دل وچ لعل سمہا کے پیار دے نال جھلیندیاں ہن

.....

ما اصغر دی لعل کوں آ کھن جینداتیں جیہاں چن نکھڑے
او مانواں تاں غم دی سیڑھ اچ دنیا توں ٹر ویندیاں ہن

.....

تیڈی لاش کوں جھولی پا کے میں اصغر رُک نہیں سنگدی
جتنا روکیندیاں میں اکھیاں کوں اتنے نیر وہیندیاں ہن

.....

جعفرؑ دا ہنڑ مالک آتوں ، ایں ما کوں سکھ لعل دے ڈے
جیندیاں اکھیاں ہر آنسو دے نال دعا فرمیندیاں ہن

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولاکریم

﴿نوحہ پاک﴾

یاد کریندیاں اصغرؑ کوں لوری ہے لب تے آ ویندی
لعل دا چہرہ نظر آندائے ، ہے روح میڈی گھبرا ویندی

.....

جھولی وِچ ہے اَج تائیں میکوں لمس اوندی محسوس تھیندی
خالی ڈیکھ کے جھولی کوں مایوسی ہے دل تے چھا ویندی

.....

میڈے پاک سہاگ دی سوہٹریں پاک نشانی ہئی اصغرؑ
کیا تھی پوندا نال اوندے جے ٹراے بیوہ ما ویندی

.....

کوشش کردی ہاں میں اصغرؑ دے پینگھے تے نہ نظراں کراں
خالی ڈیکھ کے پینگھے کوں ہے درد اِچ بڈ ممتا ویندی

.....

ہک واریں تاں لعل اصغرؑ چا میکیوں شکل ڈکھاوے ہا
کئی ڈینہ سکھ دے ، ڈیکھ کے اونکوں صبر دے نال نبھا ویندی

.....

جعفرؑ اے ڈکھ مک ویندے ، ایں سینؑ دا ویڑھا وں پوندا
جیکر ہر زنجی دل دی آج ، تھی منظور دعا ویندی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

تیڈی یاد اصغر ہر ویلے میڈا درد ودھسی زندگی بھر
تیڈے ٹرن دا ہک ہک منظر امری کوں رویسی زندگی بھر

.....

جیویں رخصت تھیندے ویلے ہاوی میں توں پیار کرایا
امری توں او ہونٹ چمانون میڈا دل تڑپسی زندگی بھر

.....

بابے دے ہتھاں تے جیویں ہانویں تڑپیا جھل کے تحفہ
میڈے جگر اتے او منظر سدا خنجر چلیسی زندگی بھر

.....

بابے دے ہتھاں توں جیویں تہاکوں بھین گھدا ہا اصغر
اوندا خون کوں ڈیکھ کے رونون میڈا جگر ہلیسی زندگی بھر

.....

تھاڈی قبر بنڑیندے ویلے جیویں رُناں لعل علیٰ دا
اوندے درداں دا او منظر میکیں دھپ تے بلہیسی زندگی بھر

.....

جعفرؑ ایں بی بیؑ کوں ہنڑتاں سکھ جھولی دا مل جاوے
جو آہدی ہئی تیڈے پنگھے تیڈی امری سحیسی زندگی بھر

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

آکھے معصومہ ڈسو امڑی کیوں اصغرؑ ویر بولیندا نہیں
میں ہاں ڈھیر سڈیندی رہی اکھیں اپنیاں لعل کھولیندا نہیں

اکبرؑ دے سینے دے وانگوں ایندے گل تے خون نظر دائے
منہ رخسار تے لایم میکوں ویرن پیار کریندا نہیں

میڈے ویر اصغرؑ کوں اتنی پہلے تاں ناہی نندر آندی
شالا خیر ہو اصغرؑ دو کیوں ویر جواب ہنڑ ڈیندا نہیں

ایڈے سوہنڑیں لعلؑ تے ہرگز کوئی وی ظلم نہیں کر سنگدا
پانی پی کے نندر پیائے تہوں پہلے وانگ سڈیندا نہیں

میکوں اے تاں ڈسو کیوں ہنڑ پینگھا سرخ ہے تھیندا ویندا
ہتھ چمدی ہاں میں اصغر دے ، ہتھ رخسار تے لیندا نہیں

.....

جعفرؑ نت ہے تڑپ جگر دی ، ڈیکھوں وسدا ہنڑ ایں چن کوں
رب جانڑے کیوں حسن دا جانی اتنا کرم کریندا نہیں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریمؑ

﴿نوحہ پاک﴾

کچھ کوئی حمرل توں ظالم کیا تیڈی کوئی اولاد نہیں
جے صاحب اولاد توں ہوندا انج کردا توں بیداد نہیں

.....

جیندے گھر وچ ہونوں کمسن اوہو مل پیندائے بالاں دا
اے ہے مان میڈی ممتا دا میڈی جھولی کر آباد نہیں

.....

ہوندائے نازک گل بالاں دا ، ڈیکھ ذرا اپنا پھل ظالم
توں ہنڑ اتنا ظلم وسا نہیں جے کردا کوئی امداد نہیں

.....

تیڈے ظلم دا ڈیکھ ارادہ میں آ در خیمے تے گئی ہاں
انج تڑپایائے ممتا نے میکیوں سر دی چادر یاد نہیں

.....

میں پابند امر وِچ کھڑیاں ورنہ اتنا ظلم نہ تھیندا
ہے افسوس ایہو اے ظالم اَنج ما دے لب آزاد نہیں

.....

اے امڑی ہے اَنج تائیں آہدی گھنے ہا بدلے کوئی کمسن دے
جعفرؑ ایں سین دے اَنج تائیں کیوں سنڑدا کوئی فریاد نہیں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

تھاڈی لہرتاں بنڑ گئی ہے اصغرؑ میں آپ لہانواں کیویں
نہیں اذن شریعت ڈیندی تیکوں میں دفنانواں کیویں

سجّاد بھرا ہا تیڈا او لہر اِچ آن لہیندا
لیکن سجّاد ہے غش وِچ وَنچ اوکوں جگانواں کیویں

تہاکوں اکبرؑ آن لہیندا بہہ کے تلقین سنڑیندا
او سمہہ گئے گرم زمیں تے وَنچ اوکوں اُٹھانواں کیویں

عبّاس بھرا جے ہوندا میکوں کوئی تکلیف نہ ہوندی
او دی رُس گئے میں بیکس توں غازی کوں منانواں کیویں

باقی بچ گیاں ہن کل سینیں؎ دفنا نہیں سنگدیاں او بھی
ہنڑ وطن توں ویر حنفیہ؎ ، ڈس لعل سڈانواں کیویں

.....

جعفر؎ وں ہنڑ او بیکس جو پتر کوں ہن رو آہدے
تیدا چہرہ ہے چن توں سوہنڑاں اُتے خاک میں پانواں کیویں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللّٰهُ فَرَجَهُ الشَّرِيف

یا مولا کریم

﴿نوحہ پاک﴾

رو آکھن ما اصغر دی سرتاج امانت گھن میں توں
میڈا اصغر ہے کل سرمایا میڈے پیار دی دولت گھن میں توں

.....
اولاد ہوندى ہے سانگا ، ایہو ہم رشتہ ایں گھر دا
چن ہوندن قسمت سانگے ، مجبور دی قسمت گھن میں توں

.....
تھاڈے سر دا بنڑا کے صدقہ میں کمسن ہاں گھن آئی
نچ پونویں سین دا جانی ، میڈی زندگی دی راحت گھن میں توں

.....
ایں چن دے بعد تاں میڈا کوئی مقصد نہیں زندگی دا
میں دھپ تے روند رنڑائے میڈی اصلی حسرت گھن میں توں

تہا کوں سوئپ جے کھڑساں اصغرؑ میڈا فرض ادا تھی ویسی
سائیں اپنے وسدے گھر دا سرمایہ عصمت گھن میں توں

.....

وسے جعفرؑ ہنڑ او بی بی جیڑھے ہن سرتاج کوں آہدے
میڈے بخت دی پاک نشانی ممنا دی صداقت گھن میں توں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

وَنج بيشك هنر ميدان اکبر ايوں کھڑ کے نیر و ہا نہیں
سامنے پھوپھیاں دے
تھاڑی بابے کو لھوں نہیں بھدی ، مجبوریاں اے جتلا نہیں

.....
ہوندائے شجر امید دا ہر بچڑا ، ہن چھاں تے ما پیو بہندے
دھپ ہوندی ہے سخت ضعیفی دی اے سوچ کے ہنر گھبرا نہیں
سامنے پھوپھیاں دے

.....
تہاکوں ماتوں گھن کے پالیا ہم رکھ آس تیڈیاں خوشیاں دی
جو آکھناں چاہندا آیں کھل کے ڈس وانگوں دھیاں دے شرما نہیں
سامنے پھوپھیاں دے

جے بابے توں قربان ہو سو میڈی محنت گھر آ ویسی
میڈا لعل اجازت گھنن کیتے سر شرم دے نال جھکا نہیں
سامنے پھوپھیاں دے

.....

میں انج سمجھیاں لعل تیکوں ہی پائے سگن دے سہرے
ساڈا لعل شہادت ورثہ ہے کہیں گالھ کنوں اجھکا نہیں
سامنے پھوپھیاں دے

.....

جعفرؑ ایس لعل دے سگن کرے جیڑھی سین ہئی چن کوں آہدی
ساڈی طرفوں اجازت ہے لعل تیکوں انج منجھی شکل بنڑا نہیں
سامنے پھوپھیاں دے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

ودا گھوڑا بھجائے فوجاں وچ ہے غش اکبر تے طاری
ہے کوچ تے متھا اکبر دا ہے خون جگر توں جاری

.....

میں ڈیکھ آئی ہاں نہیں راہ لہذا کوشش ہے عقاب کریندا
پیا چمدائے قدم علی اکبر دے ہر ظالم وار و واری

.....

ہنٹر کہیں ڈسیائے لہہ زین توں گئے ہسی گل گھوڑے دے باہاں
قرآن کول چا کرے پاک دُعا ہر بی بی درداں ماری

.....

گھوڑے دے گل وچ باہیں ہن پیا پاک خیام دو آندائے
ما اسماعیل دی روندی ہے ، اکبر دی ڈیکھ سواری

.....

رکھ حوصلہ سید آندا پئے ہنڑ پتر دی لاش کوں چانوں
ہے ہر کوئی جانڑدا پیو کیتے ہوندى پتر دی لاش ہے بھاری

.....

جعفرؑ ایں لعلؑ دیاں خوشیاں توں گھر بی بیؑ دا سچ جاوے
دل ابد تائیں ایں ویڑھے دی کرے آ سکھ سیت زواری

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

جگ خون دے نال رنگائیاں زلفاں اکبر دیاں
مظلوم کوں عینِ ضعیفی وِچ اُتے خاک دے امت ڈکھائیاں
زلفاں اکبر دیاں

ہمشکل نبی دیاں زلفاں تے صلوات ہا خالق پڑھدا
ہل عرش گیا جڈاں خاک اُتوں مظلوم نے آن کے چائیاں
زلفاں اکبر دیاں

آئی لاش خیام دے وِچ جسدِ کھرام بپا ہو گیا
جڈاں پاک امڑی دے نال آہن کل سینیں ڈیکھن آئیاں
زلفاں اکبر دیاں

پایا سر جھولی وچ اکبر دا پھٹ جگر شباب دا گیا
 مس لہندے دی پیشانی توں جڈاں امڑی آن ہٹائیاں
 زُلفاں اکبر دیاں

چمی پیشانی علی اکبر دی جڈاں ملکہ شرم حیا دی
 تھی ہونٹ وی خون آلود گئے جڈاں چم اکھیاں تے لائیاں
 زُلفاں اکبر دیاں

جعفر اے امڑی دنیا تے ڈیکھے پاک شباب اکبر دا
 ڈیکھے سگناں ویلے بھینیں کوں ، ما خوشیاں نال سجاایاں
 زُلفاں اکبر دیاں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

وَنَجِّ آکھو عَوْنُ دِی امڑی کوں ہنٹر لعلُ تیڈا لہہ زین توں گئے
ہمشکل نبی کوں بن بر وِچ ڈتائے امت لہا لہہ زین توں گئے

.....

ایندی بھین کوں تانگھ ہوسی وطن اُتے میڈے ویرن سہرے پائے ہوسن
کوئی قاصد اوندو بھیج ڈیوہ اُجڑی دا بھرا لہہ زین توں گئے

.....

اکبر دے زین توں لہن سیتی میڈی زندگی دی تھی رات گئی ہے
میکوں جگ تاریک ڈسیندا ہے میڈا ماہ لقا لہہ زین توں گئے

.....

ہتھ جگر تے ہم ، نمی راہ لبھدا ، عباس سہارا ڈے میکوں
میڈا مس لہندا میکوں درداں دا معراج کرا لہہ زین توں گئے

.....

میڈا ہتھ نپ کے علی اکبر تائیں عباس بھرا پہنچا میکیوں
 ایندے پاک شباب تے ناز ہامی میڈے ناز مکا لہہ زین توں گئے

.....

پاوے جعفر اے مظلوم سید ول سہرے چن علی اکبر کوں
 جیڑھے آہدے ہن چن غربت وچ میڈے درد ودھا لہہ زین توں گئے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

کوئی آخری خواہش چن اکبرؑ چا ٹرن توں قبل ڈساؤ ہا
مظلوم تے بیکس بابے کون توڑے آخری وقت ازماؤ ہا

.....

میں کل کونین تے پھر دا ہاں کوئی خواہش لب تے آن تاں سہی
انج چپ کر کے نہ بابے کون تساں اپنا درد ڈکھاؤ ہا

.....

تساں عین جوان ہو چن اکبرؑ اے موسم ہوندائے سہریاں دا
تھاڈی امڑی دی بہوں حسرت ہئی چن سہرہ سگن دا پاؤ ہا

.....

کیتا عرض اکبرؑ ہے بخت میڈا تھاڈے قدماں وچ قربان تھیاں
اے خواہش ہم وقت آخر دے میکوں نکھڑی بھین ملاؤ ہا

.....

گو چم نہ سنگاں سر اُجڑی دا اونکوں بھواریں تاں ڈیکھ گھناں
ہم زخم ہجر دا جگر دے وِچ میڈا اے تاں زخم مکاؤ ہا

.....

جعفر اکبر دی تربت توں ہے اُج تائیں اے آواز آندی
شالا بھین اکبر کوں مل پووے تساں بابا کرم فرماؤ ہا

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

آ عوں دی ما میکوں آپ ڈسا پیا ٹردا پتر جوانے
کیویں اکھیاں تے ہتھ ڈیاواں
نہیں سہرے پائے مس لہندے کوں ایں گالھ دا بہوں ارمانے

وقت آخری پتر جوان دا ہے منظر بہوں درد انگیزے
میکوں حوصلہ ڈے بھائیواں جو ہیں چن لچھے دا مہمانے
کیویں اکھیاں تے ہتھ ڈیاواں

ٹرے مس لہندا اگوں پیو ما دے نہیں ہوش ذرا بھر رہندا
میکوں مشورہ ڈے ایں موقعے تے ، لایکس تے احسانے
کیویں اکھیاں تے ہتھ ڈیاواں

میں چھکيا پھل سکنال دا هے ايندا سينه خون آلودے
میں ڈکيه نهیں سنگدا ، جيں رنگ وِچ ميڈی غربت دا قرآنے
کيوں اکھياں تے هته ڈيوال

هن کھلياں اکھياں اکبر دياں ، هسی بهين دی تانگه جگر وِچ
کيوں تانگه مکا نوال اکبر دی اے تاں الفت دا عنوانے
کيوں اکھياں تے هته ڈيوال

جعفر هنڑ او مظلوم ڈکيه ول سهرے پتر جوال دے
جو آه دے هن ميکوں ڈيندا پئے چن درد دے کل سامانے
کيوں اکھياں تے هته ڈيوال

﴿آمين يارب العالمين﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

تساں کل سنیں منہ پھیر گھنوں میں چھکنائے پھل سکنان دا
رب صبر میڈا از میندا پئے ، پیائے اکبر بہوں تڑپاندا

.....

میں ہتھ پیساں وچ برچھی دے ہل جگر ویسی ہر ما دا
کر کہیں دی روح پرواز ویسی ہی چنتا مستوراں دا

.....

اے پھل چھکنا بھی لازمی ہے ، انوں کھڑین مانواں بھینیں
پھٹ جگر ویسی جیں ڈیکھ گھدا پھل سینے توں باہر آندا

.....

عباس کوں آکھو کنڈ کر وَنج اے درد پچا نہ سنگسیں
تھاڈے صبر دے بن متاں تروڑ ڈیوے ایہو ہک منظر درداں دا

.....

پھل باہر آسی ویسی ٹر اکبر میڈی بھین توں نال کھڑو نہیں
 نہیں مانواں دا دل سہہ سنگدا انج ٹرناں پتر جواں دا

.....

جعفرؑ ول ڈیکھن بھین بھرا خوشیاں ایں چن اکبرؑ دیاں
 آوے بارہواں آقا گھن جلدی گھر وچ موسم خوشیاں دا

.....

﴿آمین یا رب العالمین﴾

الْحَمْدُ لِلّٰهِ وَشُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

ہنٹر لاش جوان دی خیمیاں وِچ سرتاج تہاڈا چا آیائے
چا سینؑ میڈی سر سجدے توں
جل ڈیکھ ڈکھی میدان وچوں کیوں اکبرؑ سہرے پا آیائے

ہاوے آس بہوں اوندی شادی دی تھی شادی گئی ہے اکبرؑ دی
ڈیو جل کے سلامی اکبرؑ کوں نویں رنگ دے سنون کرا آیائے
چا سینؑ میڈی سر سجدے توں

ہے سجدیاں دا بہوں وقت پیا ول اکبرؑ شاید نہیں ملناں
میدان وچوں تہاڈے ڈیکھن دی بہوں آس جوان ہنٹر لا آیائے
چا سینؑ میڈی سر سجدے توں

کھڑیاں پھوپھیاں سنون کریندیاں ہن ہر کہیں کوں تا نگہ تہاڈی ہے
 نویں رنگ دا تہاڈے بچڑے کوں بنرا شبیرؑ بنرا آیائے
 چا سینؑ میڈی سر سجدے توں

تہاڈا کھیر سجایا تھی گیا ہے تہاڈی محنت تھی منظور گئی ہے
 ملو آخری وار علیؑ اکبر کوں کر حق ہنڑ لعل ادا آیائے
 چا سینؑ میڈی سر سجدے توں

جعفرؑ او دائی بی بیؑ کوں ڈیکھے وسدا جو اے آہدی ہئی
 جل ڈیکھ ڈکھی ، چن سینے تے ہک سہرہ پاک سجا آیائے
 چا سینؑ میڈی سر سجدے توں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

میڈا اکبر تہاڈی امری کوں جھولی پانون دا وقت نہیں ملیا
زندگی بھرتاں میں رہیاں سکدی ، ماسڈانون دا وقت نہیں ملیا

.....

مانواں دے دل دے وچ ہوندن اکبر لکھاں ارمان لکھاں امیدیاں
میڈے دل دی کہیں تمنا کوں لب تے آنون دا وقت نہیں ملیا

.....

تیڈی شادی دی آرزو دل وچ تیڈے وانگوں جوان تھی آئی ہئی
میڈی قسمت تیڈی جوانی کوں سہرے پانون دا وقت نہیں ملیا

.....

جاں اجازت دے کیتے آئے ہاوے سوچیا ہم میں ڈیکھساں رَج کے
تہاکوں ہاں نال لا کے رونون دی سک لہانون دا وقت نہیں ملیا

.....

لاش کوں تہوں بیٹھی سچیدی ہاں کجھ تاں ارمان تھی ونبجں پورے
زندگی بھرتاں وانگ مانواں دے چن سجانوں دا وقت نہیں ملیا

.....

جعفرؑ اوسینؑ جگ تے وس پووے جوہن آہدے جوان بچڑے کوں
بیڈیاں خوشیاں دیاں حسرتاں میکوں کجھ مٹانوں دا وقت نہیں ملیا

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

توں مہندی لا بنری ونجے گزر نہ رُت سکنان دی
اگوں رونون دا بہوں وقت پیائے رُت ڈھیر پئی ہے ہنجواں دی

ہوندین بیاں مہندیاں خوشیاں دیاں جیڑھیاں لگدیاں ہن خوشیاں تے
کونین توں وکھری ہے بنری ساڈی اے تقریب ڈکھاں دی

ما پیو جتنے مجبور ہونون چند سنون ضرور کریندن
ہناں سنون کیتے نہیں ڈے سنگدی کوئی ما ڈولی دھیاں دی

اینکوں بیوگی دا ہک سنون سمجھ چپ کر کے مہندی لا گھن
چند گھڑیاں سہاگ دا سایہ ہے اگوں بیوگی ہے صدیاں دی

جیویں مانواں پتر دی لاش کوں وی ہن پیندیاں سگن دے سہرے
ایویں مہندی ہوندى ہے دھیاں دی وڈی حسرت کل مانواں دی

.....

جعفرؑ ایں سینؑ کوں ول مہندی خوشیاں دے نال لوتجے
تھیو وے پوری حسرت صدیاں توں ہے کل مانواں پھوپھیاں دی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

میں روک نہیں سگدی بنرا کیوں جو ہن ایسے حالاتے
لیکن ہنڑ بعد تہاڈے میڈے سر تے اندھاری راتے

.....

ہوسی ایویں قسمت میڈی ہوسی بیوگی آنونی سر تے
میڈے وانگ بنڑی نہیں دلہن کوئی اُجڑی ایں دنیا تے

.....

بنرے دے بجائے میڈا ہے بیوگی گھونگھٹ چایا
میڈے در تے آن لتھی ہے کل درداں دی باراتے

.....

میکوں اتنا آپ ڈساؤ چا تہاڈے بعد ونجاں میں کنتے
ونجاں شام یا کربل رھواں تہاڈے درد جگر کوں لاتے

.....

کرو اتنی دعا جو میڈی اے زندگی ہنٹر مک جاوے
نہ رونواں ہنٹر کے بیوہ سرتاج ہنٹر شام دے راہ تے

.....

جعفرؑ دا وارث آ کے ڈیوے خوشیاں ایں بنریؑ کوں
کرے خوش امڑی دے دل کوں بنرے دی سچ سجاتے

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَّلَ اللّٰهُ فَرَجَهُ الشَّرِيف

یا مولا کریم

﴿نوحہ پاک﴾

گیا ٹر بنرا جڈاں خیمے توں پچھے درد جگر کوں لا کے
رُنی بہوں بنری
بہہ اپنے خیمے وچ تنہا ، بیوہ دی شکل بنڑا کے

آکھے بیوگی دے دُکھ آ ویندن دنیا تے شریف دھیاں تے
ول اپنی بیوگی دے نقشے وچ ذہن دے آپ سجا کے
رُنی بہوں بنری

اے نہا پچھتاوا ٹورن دا ، ہا ٹورن فخر بنی دا
پر جیویں ٹریا ہا حسن دا چن اوں وقت دے نقش سجا کے
رُنی بہوں بنری

ہک پاسے غم ہا بیوگی دا ، بیا چنتا ہا پردے دا
 بنی خود کوں سمجھ کے بے وارث ، کل درداں توں گبھرا کے
 رُنی بہوں بنری

ہا علم بنی کوں ول خیمے جیویں بنرا واپس آسی
 تہوں اپنے سہاگ دے جوڑے کوں خود بیوگی وِچ بدلا کے
 رُنی بہوں بنری

جعفرؑ اوں بنے کوں ول خوشیاں میڈا وارث پاک وُکھاوے
 جیکوں ٹور کے اپنے خیمے توں ، شادی دا ویس لہا کے
 رُنی بہوں بنری

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

ہر سینّ دعا فرماوے بنرا لہندا ہے
پئے ظالم ظلم وسیندے ہن رب خیر دی خبر سناوے

.....
ہک ظالم چھپ کے وار کیتائے گئیائے مقنع جھنڈ دھرتی تے
کوئی آکھے نجف دے والی کوں آ مقنع خاک توں چاوے
بنرا لہندا ہے

.....
پئی سنون کریندی ہے امت شقی انوں ڈاڈھی گرم زمیں ہے
عبّاس کوں آکھو ہنڑ وَنج کے خود پکڑ رکاب لہاوے
بنرا لہندا ہے

پتراں دے حق وچ مانواں دی رد اصلوں دعا نہیں تھیندی
 آکھو امڑی کوں کرے آپ دعا شالا حسن دی پگ بچ جاوے
 بنرا لہندا ہے

انداز ہے جیڑھا شامیاں دا ودھ ہر توں ظلم و سیں
 ودے گھوڑے بھجدن ہر پاسوں کوئی لاش تے سنبھ نہ آوے
 بنرا لہندا ہے

جعفر او امڑی بنرے کوں ول سگن دے سہرے پاوے
 جکیوں دائی ہا اے عرض کیتا شالا خالق آپ بچاوے
 بنرا لہندا ہے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

ہنڑ بنرا لہہ گئے زین اُتوں پئے شامی سنون کریندن
میں ڈیکھ آئی ہاں
ہنے اوکھا لہایا گھوڑے توں پئے رسماں ڈھیر نبھیندن

ساکوں وقت نہیں ملیا مہندی دا ہن پانی تے پابندیاں
ایں واسطے شامی بنرے کوں پئے مہندی سگن دی لیندن
میں ڈیکھ آئی ہاں

اساں سہرے پوائے نہیں بنرے کوں پھل ساکوں میسر ناہن
ایں گالھوں پھلاں دے نال اونکوں پئے شامی آپ سچیندن
میں ڈیکھ آئی ہاں

پھل اتنے پوائے ہن بنے برے کوں ناہی میں توں چن سخریندا
 ڈے غسل لہو دے نال اونکوں ، کھڑے شامی جشن منیندن
 میں ڈیکھ آئی ہاں

خونی قالین تے برے کوں ہے ظالم امت سمہایا
 ودے کردے طواف ہن کل شامی ، ویندے سہرے رنگ بدلیندن
 میں ڈیکھ آئی ہاں

جعفر آوے او رت خوشیاں دی ڈیوے دل دائی اطلاع
 ہنٹر نال سکن دے پھلاں دے پئے قاسم کوں سنوریندن
 میں ڈیکھ آئی ہاں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

بنری کوں آکھو لاش بنے دی سُہا ونجے
اپنے ڈُکھاں دے حال تاں آ کے سنا ونجے

.....

رونون دے نال درد دا طوفان گھٹ ویندائے
رونون دی سدھر لاش تے آ کے مٹا ونجے

.....

امید ہے حسنُ بھی اَج آسن ایں لاش تے
چاچے کوں توڑے حال ڈُکھاں دے ڈُکھا ونجے

.....

نونہاں دا درد ڈاڈھا شریفاں کوں ہوندا ہے
چاچے کوں دل دے درد تاں آ کے سنا ونجے

.....

کرنا شریک درد دُکھاں کوں گھٹا دیندائے
دُکھ درد نال بنرے دے آ کے ونڈا ونجے

.....

جعفرؑ ہے اَج وی سچ کریندی ایہا دعا
آوے ہنڑ او خوشی جو ہر ہک غم بھلا ونجے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

اُو حسنؑ بھرا تساں خود ڈیکھو جیویں قاسم سہرے پائی آندائے
تھاڈی ساوی پگ سر اطہر تے تھاڈا سوہنڑاں لعل سجائی آندائے

ماحول ناہی اے شادی دا تھاڈی پوری وصیت کرنی ہئی
بنہ سہرہ سرتے چن قاسم خود تخت الحنک ولائی آندائے

جیرٹھی حالت ہے چن قاسم دی باراتی ڈیکھ کے روندے ہن
پوشاک شہادت اِنج قاسم اِنج بنریاں وانگ سہائی آندائے

ہے موقع سنوناں سگناں دا لیکن دستار تے اِنج بنرا
تھاڈی پاک بہو دی رب جانڑے خود بیوگی آپ لکھائی آندائے

ہے روندی امڑی باقر دی رب جانڑے ویر ہے آکھیا کیا
ہے بیوہ امڑی غش کر گئی جیویں پلوں لعل بدھائی آندائے

.....

جعفرؑ ول تھیون کل خوشیاں ایں رنگ دے نال زمانے تے
آکھے کل دنیا ساڈا آقا ہنڑ ہر غم دی اصل مکائی آندائے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

آکھو بنری کوں ہنڑ آ کے بنرے دی لاش سہاوے
ہے وارث لاش دی بنری او آ کے کفن ہٹاوے

.....

اوندی بیوگی دیاں کئی رسماں ہن کرنیاں سین اداے
بنی بیوگی دیاں اے رسماں ہنڑ آپ ادا کرواوے

.....

بہہ نال بنے دے بنری ہنڑ وارث لاش بنے دی
ہر سین اونکوں خود آ کے سرتاج کیتے پرچاوے

.....

کرے شرم نہ لاش بنے تے ، پرچانونی دا دستورے
ہر سین کوں پرے ویلے بنی ہنڑ وارث گل لاوے

.....

گل آن کے لیسن سینیں اوندی چادر چم کے رسن
لا گل پھوپھیاں مانواں کوں رونون دی سدھر لہاوے

.....

جعفرؑ وسے حسنؑ دا ویڑھا وسے بارش نت خوشیاں دی
ساڈا بارہواں آقا ہنڑ تاں اے گھر خود آن وساوے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

جڈاں بنرے کوں گل لایا شہزادی عجم و عرب دی
منہ کر سنینی دو کیتی بی بی ہک گالھ غضب دی

.....

ایدا غم نہیں ، جوان ہمیشہ مانواں توں نکھڑدے رہندن
نمہی پتر جوان دا صدمہ خود ذات ہے جانڑدی رب دی

.....

پتراں دیاں لاشاں جگ تے ہن ڈھیاں اکثر مانواں
لیکن میکوں پتر دی لاش ایچ نہیں لاش بنے دی لبھدی

.....

انج لاش کہیں بنرے دی ڈٹھی آج توڑیں کہیں ما نہیں
نہیں نظر آندی ایں لاش ایچ کوئی چیز میڈے مطلب دی

.....

میں چمنا ہا پتر دا چہرہ ، رخسار نظر نہیں آندے
میکوں گول ڈیونقش بنے دے ہی منت کریندی سب دی

.....

جعفرؑ اے امڑی ڈیکھے ول سوہنڑیں پتر دی شادی
ڈیوے آن مسرت اینکوں چن حسنؑ دا جگ تے ابدی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

ہر سال حسن دے جانی دی اے سچ بنڑانوں لازم ہے
دل بیوہ ما دا ٹھر ویندائے
بنرے دی سچ کوں جتنا بھی ممکن ہو سجانوں لازم ہے

جیڑھی سین دے دل دی حسرت ہئی کر بل وچ پوری ناہی تھئی
اوا حسرت پوری کرن کیتے اے رسم نہانوں لازم ہے
دل بیوہ ما دا ٹھر ویندائے

ہے ہر ہک ما دا دل چاہندا میں پتے دے سہرے ڈیکھاں ہا
ایں سچ کوں سہریاں نال سجا ، ول ما کوں ڈکھانوں لازم ہے
دل بیوہ ما دا ٹھر ویندائے

جیڑھا تجلہ عروسی بنڑیا ہا او خیمہ اصل عزا دا ہئی
 دُکھی ما دی حسرت دی خاطر اَج سِج سہانوں لازم ہے
 دل بیوہ ما دا ٹھر ویندائے

.....
 بنرے دی امڑی گھن حسرت ہر سِج کوں دیکھن آندی ہے
 تہوں سِج سجا کے ممتا دا دُکھیا دل پرچانون لازم ہے
 دل بیوہ ما دا ٹھر ویندائے

.....
 جعفر سلطانِ زمانہ دی آمد تائیں سِج سچیدے رہو
 پاک امڑی کوں سدا خوشیاں دی امید دُیوانوں لازم ہے
 دل بیوہ ما دا ٹھر ویندائے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولاکریم

﴿نوحہ پاک﴾

تہاکوں ملن پئی آندی ہے بیوہ ماتوں بنرا اکھیاں کھول
حق بہوں ہوندا ہے مانواں دا توں بنرا اکھیاں کھول

.....

جڈاں مانواں آنون ملن کیتے اٹھی استقبال کریندائے
امڑی کوں آندا ڈیکھ ذرا توں بنرا اکھیاں کھول

.....

جڈاں ٹر کے اپنی امڑی کوں گل لیسیں دل ٹھروسی
نہ امڑی کوں اے حال ڈکھا توں بنرا اکھیاں کھول

.....

ہن آپ وی بیوہ ہنڑ کیویں غم سہسن پاک بہو دا
نہ امڑی پاک دے درد ودھا توں بنرا اکھیاں کھول

.....

تھاڈی بنری پئی ہے نال آندی تہاڈے ملن دیاں رکھ اُمیداں
ذرا نال بنی دے درد ونڈا توں بنرا اکھیاں کھول

.....

جعفرؑ وس پوے او امڑی جیڑھی سیج اُتے ہئی آہدی
ڈٹائے میکوں تہاڈے درد مکا توں بنرا اکھیاں کھول

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولاکریم

﴿نوحہ پاک﴾

وَنَجِّ وِیْنِ بہہ توں خیمہ وِچ ہے لاش تے آنوناں بنری
سرتاج دے نال ہے لاش اُتے دُکھ درد وِٹھانوناں بنری

.....

تھاڈی شرماں والی دھی ہنڑ نہیں ساڈے سامنے لاش تے آندی
ہے لاش دی وارث تہوں آ کے ہے میت سہانوناں بنری

.....

چند گھڑیاں ہن ملاقات دیاں اگوں درد دی مدت طویلے
ہے نال بنے دی وقت ایہو خود بہہ کے نبھانوناں بنری

.....

کچھ دیر دے بعد تاں بنری دا نہ اے خیمہ رہ ویسی
چند گھڑیاں عروسی خیمہ اَنج ہے آپ ہنڈھانوناں بنری

.....

ہسی تازہ درد رنڈپے دا تہاڈے سامنے آ نہ سنکسی
 بنرے دی لاش تے ہنڑ اپنا ہے گھونگھٹ چانوناں بنری

.....

جعفرؑ ایں سین دے سگن کرے خود حسن دا جانی آ کے
 آکھے ابد تائیں ول کوئی وی دُکھ نہیں جگر کوں لانوناں بنری

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

ظلم جتنے امت وساوے پئی میڈا غازی تئیں جنگ نہیں کرنی
تھاڈی غربت کوں آزماوے پئی میڈا غازی تئیں جنگ نہیں کرنی

میڈا میثاق دا اے وعدہ ہے، جیڑھا پورا غریب نے کرنائے
جتنا امت ساکوں ستاوے پئی میڈا غازی تئیں جنگ نہیں کرنی

سوہنٹریں بچڑے وی میں فدا کرنن، میکوں گھوڑے اُتوں اگر امت
ظلم کر کے توڑے لہاوے پئی میڈا غازی تئیں جنگ نہیں کرنی

پردے محفوظ ساڈے رہنٹریں ہن تھی کے گستاخ توڑے اُج امت
خیمیاں دے وی نام چاوے پئی میڈا غازی تئیں جنگ نہیں کرنی

تھاڑیاں بھینیں تاں شام و نچناں ہے، صبر کرناے توڑے شقی امت
سارے خیمے ساڈے ٹھراوے پئی میڈا غازی تیں جنگ نہیں کرنی

.....

ہنڑ ملے اذن تیغ چانوں دا جیکوں جعفر ہا آکھیا آقا
توڑے امت خیام آوے پئی میڈا غازی تیں جنگ نہیں کرنی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

قرآن وفا دا بن دے وِچ پیا جھڑدائے فرش زمیں تے
کئی سرخ اعراب نظر دے ہن یسین مزاج جبین تے

بے حرمتی ڈیکھ کے مصحف دی آیات دے وِچ کھراے
تطہیر دی مالکہ روندی ہے سر کھول کے عرش بریں تے

کیتائے امت ستم قرآن اُتے گھٹ ڈسدے ہن دُو پارے
لگ زیاں زبراں ڈھیر گنیں تقدیس دی ایں یسین تے

قاری دی کمر وی جھک گئی ہے رنگ ڈیکھ کے ظلم و ستم دا
کھڑا رو رو دید کریندا ہے وِچ غربت دے بھینیں تے

جھنڑیا بسم اللہ دا علم جڈاں رہی لیندی وفا اکھیاں تے
 ہويا غش طاری والناس تائیں کل ہم آیاتِ مبیں تے

.....

جعفرؑ ایں ناطق ازلی دے کھلے صبراں دی تفسیرے
 نہ بدلیاں دا کونین دے وِچ رہ جاوے قرض کہیں تے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولاکریم

﴿نوحہ پاک﴾

جڈاں لاش عبّاس دی چانون کوں ٹریا سید بن دے پاس
رہے ڈیکھ کے روندے بیکس کوں کل پردہ دار پیاسے

مک گئی امید جاں پانی دی سٹے بالاں جام زمیں تے
لیکن ہنجواں توں پر تھی گئے تسیاں اکھیاں دے کاسے

آکھیا عون دی امری بھینیں کوں کرو شام دی ہنڑ تیاری
ہنڑ ٹر گئے ضامن پردیاں دا ، جیڑھے شیر دا نام عبّاسے

ہنڑ خیمے ساڈے نہیں بچدے ، امت ہر ظلم کریسی
میں سنڑیائے زین توں لہہ گیا ہے میڈا ویرن قدر شناسے

رہے جے تائیں آسرا غازی دا کوئی فکر ناہی اُجڑی کوں
اوندے ٹرن دے بعد تھئے اُجڑی کوں ہنٹر غربت دا احساسے

.....

جعفرؑ ایں شیر کوں بدلے دا ملے اِذن ، ڈیکھے کل عالم
ایندے زخمی دل دے کیتے ہن بدلے دے اِذن دلا سے

.....

﴿آمین یا رب العالمین﴾

الْحَمْدُ لِلّٰهِ وَشُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيفُ

یا مولاکریم

﴿نوحہ پاک﴾

ڈکھ کے لاش اپنے خالق دی کھول کے سر وفا بھی روندی ہے
اتنی مظلوم لاش ڈسدی ہے ، ظلم دی انتہا بھی روندی ہے

.....

ہے کمر خم شبیر دی ڈسدی نیر اکھیاں کنوں بھی جاری ہن
گویا سلطانِ حق دے چہرے تے آپ ذات خدا بھی روندی ہے

.....

ساریاں سینیں اُداس ڈسدیاں ہن آس مک گئی ہے ہر ڈکھے دل دی
جملہ سینیں دے سرتوں خود ڈھل کے پاک سردی ردّا بھی روندی ہے

.....

جیویں لتھن عباس گھوڑے توں لا کے مشکیزہ نال سینے دے
پانی گھن کے وِجن دی حسرت تے موج موج علقمہ بھی روندی ہے

.....

وَنَجِّهِ كَ مَعصُومِهِ دِيرِ اصغرِ کُوں هِے ڈسیندی جو چاچا وی ٹر گئے
بھین دیاں حسرتاں تے اصغرِ دی پیاس دی ہر ادا بھی روندی هِے

.....

جعفرؑ ہنڑ تائیں جلال دا مالک جگ تے پیہم اُداس ڈسدے ہن
گھن کے بدلے دیاں حسرتاں دل دی ساری مٹھی فضا بھی روندی هِے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللّٰهُ فَرَجَهُ الشَّرِيف

یا مولا کریم

﴿نوحہ پاک﴾

پرسہ میں ڈیواں کیوں جل کے فضلِ دی ما کوں
گھن کے جو میں نہیں آیا خیمے دے وِچ بھرا کوں

.....
مونہوں نہ او بولیں دل وِچ تاں او سوچیں
کیوں خیمے گھن نہیں آئے عبّاس با وفا کوں

.....
وانگوں ہر ہک سجن دے میت سہایا ویندا
گل لا کے ساریاں سینیں پرچندیاں اسا کوں

.....
مجبوری ہئی اے میڈی ، اوندی لاش چا نہیں آیا
کوئی وی سمجھ نہیں سنگدا ساڈے دُکھ دی انتہا کوں

رب جانڑے میڈیاں بھینیں کیویں اے ڈکھ پچھیں
کیویں دلا سے ڈیاں میں آلِ مصطفیٰ کوں

.....

مدت گزر گئی ہے نہیں انتقام ہويا
جعفرؑ کیوں آج تائیں خالق سنڑیا نہیں ایں دعا کوں

.....

اَلْحَمْدُ لِلّٰہِ وَ الشُّکْرُ اِلٰیصَاحِبِ الزُّمَانِ عَجَلَ اللّٰہُ فَرَجَہُ الشَّرِیْف

یا مولا کریم

﴿نوحہ پاک﴾

معصومہ سین پچھن رو رو فضل دی ما توں
میڈے چاچا کیوں نہیں آئے
ہر سین کیوں ہے روندی چاچی میکیوں ڈسا توں

.....
میں خود مشک چوائی ہئی ہم خود روانہ کیتا
پانی گھنن او گئے ہن خود قوم اشقیا توں
میڈے چاچا کیوں نہیں آئے

.....
بہوں دیر تھی گئی ہے بابا اداس دُسدن
بابا ناہن نکھڑدے لخطہ سخی بھرا توں
میڈے چاچا کیوں نہیں آئے

چاچے کنوں میں ہرگز پانی ولا نہ منگساں
 رُس پین تاں منیساں خیمے توڑے سڈا توں
 میڈے چاچا کیوں نہیں آئے

پانی منگن توں رُس کے خیمے دے وِچ نہ آسن
 اتنی امید ناہی ساکوں تاں با وفا توں
 میڈے چاچا کیوں نہیں آئے

جعفر ہنڑ او معصومہ چاچے دا راج مانڑے
 رو کے ہئی جیڑھی آہدی درداں دی انتہا توں
 میڈے چاچا کیوں نہیں آئے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

آقا ڈٹائے یکدم مکا تہاڈے ڈکھاں عباس کوں
جیون دا ہنڑ نہیں چھوڑیا پابندیاں عباس کوں

.....

قاسم دے ٹکڑے خاک توں چنڑ دے رہے ہوڈہارہیاں
جنگ دی اجازت نہیں ڈتی ول وی تساں عباس کوں

.....

اکبر دے سینے توں چھکیندا ڈکھ کے برچی دا پھل
بے دست و پا ہے کر ڈتا مایوسیاں عباس کوں

.....

پرچایا نہیں کہیں سین کوں میں شرم توں سبناں کیتے
خیمے وئجن دا رکھیا نہیں ہنڑ ظالماں عباس کوں

.....

جیون دا نہیں کوئی فائدہ اِذِنِ شہادت ڈیو میگوں
 نہیں راس آئی آقا میڈے صبراں دی چھاں عباس کوں

.....

جعفرؑ گھنن ہر صبر دا بدلہ شہنشاہِ زمن
 اِج تائیں نہیں جگ تے سکھ ڈتا کل دشمنناں عباس کوں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

آکھے معصومہ میں بھل پئی ہاں دو عالم دا سردار
اے بھل معاف چا کر
ہمی پانی کیتے ٹور بیٹھی میں پاک علمبردار

اصغر دا تڑپنا پینگھے وچ ناہی دل برداشت کریندا
اگوں چاچے دے تہوں کر بیٹھی ہم درداں دا اظہار
اے بھل معاف چا کر

ساکوں چاچے خود فرمایا ہا تہوں ہامی مشک پوائی
اصغر دی خاطر چاچے کوں ہامی کیتا خود تیار
اے بھل معاف چا کر

نہ میں مجبور کریندم تے نہ کمر تہاڈی جھکدی
 تہاڈا بن وِچ مان ودھانوں دی ہی بنڑ گئی ذمہ وار
 اے بھل معاف چا کر

.....

لتھائے جیں ویلے دا بن دے وِچ چپ کر کے مان وفا دا
 اوں وقت دی ہے آ گل وِچ گئی تہاڈی بابا اے دستار
 اے بھل معاف چا کر

.....

جعفرؑ اوسینؑ ہنڑ وں پووے جیڑھی ہئی بابے کوں آہدی
 میڈے پاروں لہہ گئے زین اتوں کل قافلے دا سالار
 اے بھل معاف چا کر

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَةَ الشَّرِيفِ

یا مولا کریم

﴿نوحہ پاک﴾

عاشور دی شب کرے غازی دعا شالا رب دی ذات ڈکھاوے
آباد جھولیاں

شالا خیر دے نال ایویں وطن اُتے ہر سین دی دھی گھن جاوے

.....

میڈی آس تے تھی بے فکر ٹریاں ہن وطنوں سین دیاں جائیاں
کل سفر ایں نوکر تے ہن فخر کریندیاں آئیاں
اے نوکر شالا خیر دے نال ایویں وطن اتے پہنچاوے
آباد جھولیاں

.....

جیڑھے ویڑھے وچ نہ بال ہونون او گھر ڈسدا ویرانے
سج ویندن گھر جڈاں تھی پوندن ویڑھے وچ پتر جوانے
بد نظر کنوں انہاں سینیں دیاں چا خالق آپ بچاوے
آباد جھولیاں

ہر کمن بال ہوندائے ہر ما دی ممتا دا حسیں بہلاوا
 شالا راہوے قائم ہر جھولی دا ہر بال تے اپنا دعویٰ
 عباس کوں خالق زندگی بھر پر پتراں نال ڈکھاوے
 آباد جھولیاں

.....
 میں لاکھ واریں قربان ہونواں ایں سین دے وسدے گھر توں
 نہ کوئی جھولی محروم تھیوے کہیں اپنے نور نظر توں
 بنڑاں میں صدقہ رب وطن اُتے شالا خیر دے نال پچاوے
 آباد جھولیاں

.....
 جعفر سخی غازی گھن بدلے چا من دی پیاس بجھانوں
 ہر سین دا گھر آباد ہووے کل رونقاں گھر ول آنوں
 کل جگ دی مسرت ایں گھر وچ خود ٹر کے ڈیکھن آوے
 آباد جھولیاں

.....
 ﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

ڈیکھ کے ویر دا رُخ اکھیاں دی پیاس بجھیندی بیٹھی ہاں
آخری رات سمجھ کے روندی ہاں پیار کریندی بیٹھی ہاں

ہر پاسوں ہن غلط آوازاں درد کنوں دل پھٹدا ہے
باہر نہ جاوے ویر دُکھی دا آپ روکیندی بیٹھی ہاں

کافی لوگ ہن چھوڑ کے ٹر گئے غربت چھا گئی ہے دُکھیاں تے
مونجھے ڈسدن ویر تہوں میں دل بدھویندی بیٹھی ہاں

آنون والے کل حالات سمجھدی ہاں تہوں رو رو کے
چمدی بیٹھی ہاں ویر دا گل تے سر چویندی بیٹھی ہاں

نال بھرا دے کل بھرجائیاں تے کل لعل بہلا کے میں
وسدے گھر دے اپنے دل تے نقش جمیدی بیٹھی ہاں

.....

جعفرؑ وس پوون اے بی بی جو ویرن کوں آہدے ہن
تھاڈی غربت تے چن ویرن نیر وہندی بیٹھی ہاں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

جیرڑھی بھین کوں پک ہو ویر میڈا مہمان ہے چند گھڑیاں دا
اوندی کیویں رات گزردی ہے
ہک لمحہ ویر توں دور بہنز نہیں چاہندا دل ڈھیاں دا

ہووے آخری رات تے ویر دا ہووے جگ توں ٹرن یقینی
اول بھین کوں نظرے غربت وچ بہوں مونجھا رُخ بھائیاں دا
اوندی کیویں رات گزردی ہے

جیرڑھی بھین کوں راتیں ویر ڈسے، کل زین توں انج میں لہساں
ہووے آخری رات تے حال سنڑے کل بھائیاں دے درداں دا
اوندی کیویں رات گزردی ہے

رو ویر کوں آہدی ہے سینِ میڈی میڈے درد دا کر اندازہ
 جیڑھی بھین دے سر دی چھاں ویرن مہمان ہو ڈو پہراں دا
 اوندی کیویں رات گزردی ہے

پئی جوں جوں رات گزردی ہے ویندی دل دی دھڑکن تیز تھیندی
 پیا جیڑھی بھین کوں ڈسدا ہو منظر پر ہول ڈکھاں دا
 اوندی کیویں رات گزردی ہے

جعفرؑ ہنڑ خیر دا ڈینہ تھیوے او سینِ وسے رلے بھائیاں دے
 جیڑھی آہدی ہئی، جیکوں پک ہووے کل بھائیاں دے درداں دا
 اوندی کیویں رات گزردی ہے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَةَ الشَّرِيفِ

یا مولا کریم

﴿نوحہ پاک﴾

بہو ساریاں سینیں نال میڈے ، میں قبل از وقت ڈسانوناں ہے
میں ٹر ویساں ڈکھ ڈھیر آسن
میڈی آخری رات ہے دنیا تے کل میں جگ توں ٹر جانوناں ہے

.....
آج رات تساں کل پتراں کوں کر سنگدے ہو جتنا پیار کرو
تساں باجھ بھرانواں پتراں دے اگوں سارا وقت نبھانواں ہے
میں ٹر ویساں ڈکھ ڈھیر آسن

.....
آج رات عباس دے پہریاں وچ آرام دے نال گزار گھنو
اے ناز بھرانواں پتراں دا کل امت لعین مکانوناں ہے
میں ٹر ویساں ڈکھ ڈھیر آسن

عبّاس نے پڑھ صلوات جیڑھے تہاڈے پاک خیام اے لائے ہن
اے ہر خیمہ کل امت شقی بے دردی نال ٹھرانوناں ہے
میں ٹر ویساں ڈکھ ڈھیر آسن

کوئی سجن تہاڈا کل دے ڈینہ سجاد سوا نہ رہ ویسی
ایں درد کوں بیٹھا روندنا ہاں تساں ہر ہک ظلم اٹھانوناں ہے
میں ٹر ویساں ڈکھ ڈھیر آسن

تساں صبر ہے کرنا ہر صورت توڑے امت خیام ٹھراوے پئی
ہر ظلم امت دا کل سینیں بہوں حوصلے نال اٹھانوناں ہے
میں ٹر ویساں ڈکھ ڈھیر آسن

گھن جاوے شام اگر امت چپ کر کے نال ونجاہے پئے
پڑھ خطبے وچ بازاراں دے مقصد پروان چڑھانوناں ہے
میں ٹر ویساں ڈکھ ڈھیر آسن

ہووے خضر دی زندگی وارث دی جعفر ہنڑ او مظلوم و سن
 جیڑھے بھین کوں رو فرمیںدے ہن تساں ویردا مشن بچانوناں ہے
 میں ٹر ویساں دُکھ ڈھیر آسن

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

رات اُج دی ہے چھاں بھرانواں دی شالا جگ تے میڈے بھرا جیون
میکوں چنتا ہے اپنے بھائیاں دا ، میڈی الفت دی انتہا جیون

.....
میں سہارے انہاں دے زندہ ہاں باجھ بھائیاں دے میڈی نہیں نبھڑیں
اے تاں بھینیں دے سردی چادر ہن ساڈے بختاں دی اے ردا جیون

.....
شالا میکوں اے چھاں نصیب ہووے سایہ بھائیاں دا بے کنڑانواں رہ
میڈے کل ویر جگ توں وکھرے ہن سیت بھین دے پئے سدا جیون

.....
ڈہدی ہاں جیں ویلے میں غازی کوں میڈی نوں لکھ اُتے نہیں تک پوندی
ناز میڈے رہن سدا قائم نت اے بھینیں دے آسرا جیون

میڈے کل ویرجگ توں سوہنٹریں ہن میڈے ویڑھے جیہاں نہیں کوئی ویڑھا
شالا رونق اے رہے قیامت تائیں میڈیاں خوشیاں دی اے بقا جیون

.....

اے وی میں جانڑدی ہاں کل دے ڈینہ ویڑھا میڈا اے خالی تھی ویسی
ول وی بھائیاں کیجے نکلدی ہے دل توں ہر دم ایہا دعا جیون

.....

جعفرؑ ایں سینؑ کوں زمانے تے سارے گھر دی خوشی نصیب ہووے
جو آج آہدن اے کل سجن میڈے بنڑ کے خوشیاں دے کبریا جیون

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

کر ویر دعا ٹر بھین ونجی اَنج ڈینہ اُبھرن توں پہلے
لگ اکھ گئی ہئی ہی خواب ڈٹھا قرآن پڑھن توں پہلے

.....

میکوں امڑی پاک ڈسایا ہے کل جیڑھی قیامت آنونی ہے
اُنہاں ڈسیائے جیویں سبناں دی ہر لاش تساں کل چانونی ہے
توں کمر بدھانویں ویرن دی ، ہر درد جھلن توں پہلے

.....

جکیوں پردیاں وِچ میں پالیا ہئی او زین اُتوں لہہ جانوناں ہے
اوندے ٹرن سیتی چن ویر تیڈا اُتے خاک دے او بہہ جانوناں ہے
ہے حوصلہ ڈیوناں سینے توں تساں برچھی چھکن توں پہلے

کل دُکھاں وِچ تساں بھائی کوں خود حوصلہ آپ ڈیوانوناں ہے
 پتراں دی جوانی کوں صدقہ تہاڈے بے کس ویر بٹرانوناں ہے
 ڈیویں آپ دلاسه ویرن کوں ہر پتر ٹرن توں پہلے

کل شام کوں ساریاں سینیں تے یک لخت قیامت آ ویسی
 تساں ہمت بدھا ہے ہر بی بی ہر ظلم کنوں گھبرا ویسی
 تہاڈے خیمے تھی سیراب ویسن سورج دے لہن توں پہلے

جعفرؑ انہاں دُکھاں درداں دا گھنے بدلہ آ کے سین دا چن
 پچھے ظالماں توں کیویں لٹیا ہا ساڈا کر بل وسدا پاک چن
 ناہوے سوچیا ہک ڈینہ ساڈا ای ہے تساں ظلم کرن توں پہلے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

صبح تھندی پئی ہے ڈاھویں دی ساری آلِ عبا دا چنتا ہے
رو کے آہدی ہے سین بھینیں کوں ساکوں ہر ماہ لقا دا چنتا ہے

.....

بھین اکبر دی تانگھ وچ ہوئی لیکن اکبر دی آخری شب ہے
شالا محفوظ رہے شباب ایندا میکوں ایں دلربا دا چنتا ہے

.....

پہرے ڈیندیں عباس نہیں ستا سرخ ڈس دین جلال توں اکھیاں
جیڑھے شبیر دے ارادے ہن میکوں ایں با وفا دا چنتا ہے

.....

جیڑھیاں گالھیں شبیر کیتیاں ہن جیڑھے رنگ دا انہاں وداع کیتائے
جیڑھے انداز آج میں ڈٹھے ہن میکوں اپنے بھرا دا چنتا ہے

.....

ذکر کل رات دا انہاں کیتائے ، شام و کوفے دا ذکر بھی کیتائے
 جیویں پارت ڈتی ہے سینیں دی میکوں ہر ہک ردا دا چنتا ہے

.....

جعفرؑ اوسین ہنڑتاں وں پووے جیڑھی آہدی ہئی پاک ویرن کوں
 سہرے پاوے شالا تیرا اکبرؑ ، میکوں ایندا زیادہ چنتا ہے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

حسینؑ تیرا زمانے پہ چھا گیا سجدہ
نقوشِ کفر کو اک دم مٹا گیا سجدہ

کچھ اس طرح سے کیا تو نے سجدہ خالق کا
الوہیت کو خدا پر سجا گیا سجدہ

خدا کی ذات کو جھکتا گیا وہ ہر اک شخص
کہ جو بھی حق کو تیرا دیکھتا گیا سجدہ

یہ ایک سجدے کی عظمت ہے کہ نبی جو تھے
تمہارے قدموں پہ سب کو جھکا گیا سجدہ

خدا کی عظمتیں تیری جبین کو چھوتی رہیں
خدا کو آئینہ تیرا دکھا گیا سجدہ

.....

ظہور ہو گا جو جعفرؑ کے پاک وارث کا
بچے گا وہ جو تیرے در کا پا گیا سجدہ

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

ظلم و ستم کا حربہ عجب کام کر گیا
زندہ رہے حسینؑ یزید آپ مر گیا

.....
دوڑانا گھوڑے لاشوں پہ تھا اک خیالِ خام
لیکن اسی سے کفر کا لاشہ بکھر گیا

.....
نیزوں پہ چڑھ کے اونچا ہوا سر حسینؑ کا
لیکن سقیفیت کا سدا جھکتا سر گیا

.....
بی بیؑ کے سر پہ پردہٗ تطہیر رہ گیا
لیکن رُخِ یزید کا پردہ اُتر گیا

زنداں میں اہل بیت تو آزاد رہ گئے
ہوتا اسیر جرم ہر اک اہل شر گیا

.....

جعفرؑ اب انتقام کا موسم ہے آ رہا
جملہ کوئی دعا کا نہیں بے اثر گیا

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریمؑ

﴿نوحہ پاک﴾

میڈا بابا لہہ گئے زین اُتوں میں ملن اُنہاں کوں ویندی ہاں
 میکوں ڈیوہ اجازت پاک پھوپھی
 نہ میکوں امت یتیم کرے میں وَنج کے منت کریندی ہاں

ہر گھر وِچ دھیاں ہوندیاں ہن دھیاں ہر کوں پیاریاں ہوندیاں ہن
 متاں ترس کرن میڈے بچپن تے وَنج بابے کوں بچویندی ہاں
 میکوں ڈیوہ اجازت پاک پھوپھی

پیا مینہ وسدا ہے پھلاں دا بہوں زخمی میڈے بابا ہن
 قرآن کوں چا کے میں پھوپھی اے بارش وَنج رُکونیدی ہاں
 میکوں ڈیوہ اجازت پاک پھوپھی

نہیں بال ولیندا کوئی خالی میں منت کریاں ظالماں دی
 نہ مارو میڈے بابے کوں میں واسطے وَنَج کے ڈیندی ہاں
 میکوں ڈیووَ اجازت پاک پھوپھی

.....

ہے گرم زمین تے بابے دا سر سجدے وَج کوئی نال وی نہیں
 میں آخری ویلے بابے دا وَنَج سر جھولی وَج پیندی ہاں
 میکوں ڈیووَ اجازت پاک پھوپھی

.....

جعفرؑ ہنڑ اے معصومؑ وسے جو پاک پھوپھی کوں آہدی ہئی
 میڈے بابے تے غش طاری ہے وَنَج تھ تے پیر ملیندی ہاں
 میکوں ڈیووَ اجازت پاک پھوپھی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

آکھے شمر کیوں اوکھے وقت آقا ہوئے کمسن دھی سڈوائی
ہے خون آلود لباس ایندا ہسی سر وچ خاک روئی

.....

میں نیت ظلم دی کر آیاں اے نہیں اٹھدی تیڈی جھولی توں
ہے نخل ڈکھی میڈے ظلم دے وچ ہسی کافی دیر چا لائی

.....

ہنڑ ظلم کریاں جیں ویلے اے ڈکھے وین کر یسی
میڈا ہتھ کنب ویسی جیں ویلے رُنی کھڑ کے درد ستائی

.....

مظلوم آکھے جڈاں بابے تے دھیاں ڈیکھن ظلم وسیندا
آ ویندیاں ہن سڈویندیاں نہیں ، ایویں اے معصوم ہے آئی

.....

توں بیشک ظلم و سنا ظالم اے صبر دی ہے شہزادی
 ہر ظلم اے ڈیکھسی چپ کر کے ہے صابر پیو دی جانی

.....

جعفرؑ ہنڑ ایں معصومہ کوں کرے شاد حسنؑ دا جانی
 ڈیکھے بدلے گھنیدے بابے دے تھیوے خوش اے اُمتِ روائی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيف

یا مولا کریمؐ

﴿نوحہ پاک﴾

ہنڑ آ نجف دا وّالی وطنیں ساکوں پچا توں
 ساکوں ویر چھوڑ گئے ہن
 عباس وانگوں ساڈے پردے تاں آ بنا توں

پردیس وچ نہ شالا ایویں بھینیں کھیاں ہونون
 بھائیاں بغیر بھینیں ساڈے وانگ بہہ نہ رونون
 ساڈا حال آ کے ڈیکھو، بعد اپنے ہر بھرا توں
 ساکوں ویر چھوڑ گئے ہن

گھر دے بزرگ آ کے ہر دم مدد کریندن
 والد ہمیشہ آ کے دھیاں دے ڈکھ ونڈیندن
 اساں کھیاں رہ گیاں ہیں ، بابا ساکوں رہا توں
 ساکوں ویر چھوڑ گئے ہن

کھڑیاں ڈھدیاں ہیں بھینیں بکھریاں ہوئیاں مزاراں
 رُس ویر گنین ساڈے ڈکھ آ گنین ہزاراں
 تہاڈیاں بیوہ نونہاں گھن کے ونجاں کنتے کربلا توں
 ساکوں ویر چھوڑ گئے ہن

دھیاں کوں اپنے گھر تاں پیکے سدا پچیندن
 بھینیں دے نال ونج کے ویرن عزت ودھیندن
 ونجوں کلہیاں کیویں واپس ، بابا ساکوں ڈسا توں
 ساکوں ویر چھوڑ گئے ہن

جعفرؑ ایں سین دا ہنڑ ویڑھا وسے جہاں تے
 آباد و شاد راہون بابے دی پاک چھاں تے
 ہن آہدیاں جو رو کے ، ہنڑ بابا ڈیکھن آ توں
 ساکوں ویر چھوڑ گئے ہن

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولاکریم

﴿نوحہ پاک﴾

امت دُتن کل دُکھ وسا اکبرؑ تیڈی جاگیر وِچ
میں ہاں کھڑی ہر شے لٹا اکبرؑ تیڈی جاگیر وِچ

.....

جگ توں حسیں نوں 9 ویر ہم ، ہن تھی گئے میں توں جدا
ویندی پیاں سارے سمہا اکبرؑ تیڈی جاگیر وِچ

.....

پتراں دی نگری وِچ تاں چن مانواں کوں سکھ ملدن بہوں
میکوں تھین کل دُکھ عطا اکبرؑ تیڈی جاگیر وِچ

.....

کیا حال ڈیواں درد دا ، امت جیویں لئیائے ساکوں
ہاں تھی کھڑی بے آسرا اکبرؑ تیڈی جاگیر وِچ

.....

گھن کے میں آئی ہم بھریا گھر تھی جھولیاں خالی گنین
امت ہے سب کچھ لٹ گھدا اکبرؑ میڈی جاگیر وِج

.....

جعفرؑ وسے او سینؑ ہنڑ چن کوں ہئی جو آہدی رہی
ہر دُکھ تھیائے میگوں عطا اکبرؑ میڈی جاگیر وِج

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولاکریم

﴿نوحہ پاک﴾

کر بھینیں کوں چن ویر دعا ہنڑ ساڈی شام تیاری ہے
تہاکوں ملن دا وقت نہیں امت ڈتا ہنڑ ساڈی شام تیاری ہے

.....

ہمسفر ہن قاتل اکبر دے ہر ظلم اُتے آمادہ ہن
میڈا پور ہے کل سادانیاں دا ہنڑ ساڈی شام تیاری ہے

.....

جیویں نبھسی وقت نبھا گھنساں ساکوں ویر دعا فرما چھوڑیں
کیا حال ڈیواں تہاکوں پاک بھرا ہنڑ ساڈی شام تیاری ہے

.....

دل چاہندائے راہواں کربل وچ تہاڈیاں پاک مزاراں جوڑاں ہا
مجبور مگر ہے عون دی ما ہنڑ ساڈی شام تیاری ہے

.....

عبّاس وی ساڈے نال نہیں ، بیمار ہے میڈا چن عابد
کریں ویر دعا ہے پندھ اوکھا ہنٹر ساڈی شام تیاری ہے

.....

جعفرؑ وس پونون او بی بی جو ویرن کون فرمیندن ہن
تھاڈے دفن دا وقت نہیں امت ڈتا ہنٹر ساڈی شام تیاری ہے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولاکریم

﴿نوحہ پاک﴾

بابے پاک دی لاش اُتے توں کھول نہ اپنے وال معصومہ
رو رو کے بابے کوں سنا نہ اپنے ڈکھاں دے حال معصومہ

تہاڈے ناز دے سارے موسم گزر گئیں میڈی لائق بچڑی
بعد عبّاس دے سرتوں ڈھل گئے تہاڈا بخت اقبال معصومہ

جیویں میڈے کل درداں وِچ عونّ دی امڑی ساتھ ڈتا ہے
ایویں تساں عابد دے بڑنّائے درداں دی بھائیواں معصومہ

عابد کوں انہاں سفرّاں دے وِچ تہاڈی سخت ضرورت رہی
تیں بیمار بھرا دا رکھنائے سفر اِچ آپ خیال معصومہ

تھاڑا رہنڑ مناسب تاں نہیں کھا ایں صحرا دے اندر
 بابا تھاڑی منت کریندن لگی ونج پھوپھیاں نال معصومہ

.....

جتنے اٹھن طوفان جفا دے درداں کولھوں نہ گھبرانویں
 تہاکوں خوشیاں آن ڈکھسی جعفر دا لچپال معصومہ

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

پئی ہاں میں سفر تے ویندی غازی بغیر ویرن
سینیں پئی ہاں ٹریندی غازی بغیر ویرن

وطنوں بھرا دے رلے لکھ نازاں نال آئی ہم
پئی ہاں کوچ ہنڑ کریندی غازی بغیر ویرن

آج پہلی واری غازی بھینیں دے نال کوئے نہیں
پئی ہے شام ہنڑ سڈیندی غازی بغیر ویرن

کوئی سین میڈا ویرن ایں جاہ کنوں ونجن دا
ہنڑ نام وی نہیں چیندی غازی بغیر ویرن

بہوں اوکھا اے سفر ہے گستاخ ہے زمانہ
ویساں میں دُکھ نبھیندی غازی بغیر ویرن

.....

جعفرؑ جاں خوشیاں ملسن فریسی ول اے بی بیؑ
نمی کوئی خوشی کریندی غازی بغیر ویرن

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

سمہ خاک تے معصوم دھی بابے دا سینہ جانڑ کے
رج مانڑ اپنی بیکسی بابے دا سینہ جانڑ کے

.....

موسم گزر گئے بخت دا اے گھر نہیں زندان ہے
سمہ پو زمیں تے ہنڑ ڈکھی بابے دا سینہ جانڑ کے

.....

سنگلاخ گو دھرتی ہے اے ، لیکن ایہیں دھرتی اُتے
سمہ پو میڈی بختاں لٹی بابے دا سینہ جانڑ کے

.....

دھرتی اُتے ستا ہويا ڈٹھا تاں ہا بابا تساں
دل کیوں نہیں دھرتی تے ستی بابے دا سینہ جانڑ کے

.....

با بے تیڈے نہیں آنوناں تہاکوں یقیں اے بھی تاں ہے
کیوں نہیں زمیں تے سمہہ پئی با بے دا سینہ جانڑ کے

.....

جعفرؑ سے معصوم جو وِچ شام دے زندان دے
چپ کر کے ہئی سمہندی رہی با بے دا سینہ جانڑ کے

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَّلَ اللّٰهُ فَرَجَهُ الشَّرِيف

یا مولا کریم

﴿نوحہ پاک﴾

میں ول نہ روساں بابے کوں میکوں معاف چا کر پیار
نہ رو سجاد بھرا
تھاڑے رونون نال ہن رو پوندے کل ازل دے پردہ دار

اگے چار بھرا وچ کربل دے ہی امت لعین ٹرائے
باقی ہک ہیں سہارا اُجڑی دا میڈے کل بھائیاں دا پیار
نہ رو سجاد بھرا

ہی صرفہ تھاڑی زندگی دا میں صبر دے نال نبھیاں
تھاڑے سر اطہر تے پاک بھرا ہے بابے دی دستار
نہ رو سجاد بھرا

میڈے رونون نال اے علم ناہی ڈکھ درد تیڈے ودھ ویندن
 نہ روساں ول میں چن ویرن میکوں معاف چا کر بھوار
 نہ رو سجاد بھرا

رب تہاڈی عمر دراز کرے میں ہر رنگ نال نبھیاں
 تہاڈے باجھ ہے کیڑھا ڈکھیاں دے ایں قافلے دا سالار
 نہ رو سجاد بھرا

جعفر ہنڑ او معصوم ڈیکھے ول وسدا پاک بھرا کوں
 جیڑھی رو سجاد کوں آہدی ہئی میں ویساں درد گزار
 نہ رو سجاد بھرا

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

ہور ڈیسیں توں کیا سزا ظالم ہر توں ودھ ہے سزا یتیمی دی
بئی اذیت دی حد ہے کیا ظالم ہر توں ودھ ہے سزا یتیمی دی

چھوٹے بالاں دے واسطے جگ تے قید اتنی بڑی سزا تاں نہیں
ایں توں ودھ دُکھ ہے کیا دُسا ظالم ہر توں ودھ ہے سزا یتیمی دی

جیڑھے دُکھ درد توں ڈسیندا ہیں سارے اے درد ڈاڈھے چھوٹے ہن
جو ہے درداں دی انتہا ظالم ہر توں ودھ ہے سزا یتیمی دی

ایندی رحلت دی کیا وجہ پچھدا آئیں، نہ تاں ہے قید، نہ سفر ہن اے
جیڑھی گئی ہے اینکوں مکا ظالم ہر توں ودھ ہے سزا یتیمی دی

ايندے رونون اُتے هئي پابندي ، ايندا دُکھ وي کوئي زياده نها
جو دُکھي نهين سڱي چچا ظالم هر تون ودھ هے سزا ٿيبي دي

.....

جعفرؑ او وس پووي بيمار آقا جيهڑها آهدا ها رو كے ظالم كون
هنر سزا جو بهي تون سنا ظالم هر تون ودھ هے سزا ٿيبي دي

.....

﴿آمين يارب العالمين﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

ڈیکھو آ بابا اصغر دا میکیوں چھوڑ گئی ہے معصومہ
میڈا ودھ گئے درد جگر دا میکیوں چھوڑ گئی ہے معصومہ

.....

دنیا تے زندہ رہن کیے ہوندائے عنوان ضروری
نہی کوئی عنوان نظر دا میکیوں چھوڑ گئی ہے معصومہ

.....

ڈوکسن دھیاں شام دے وچ چا کلہا ما کون کیتائے
نہی لمحہ وقت گزردا میکیوں چھوڑ گئی ہے معصومہ

.....

تھاڑے وانگ تھاڑی بچڑی ہے کند اُجڑی کون آج کر گئی
کوئی سجن تاں انج نہیں کردا میکیوں چھوڑ گئی ہے معصومہ

.....

اے سوچیا ہم جو ایندی میں آس تے زندہ رہساں
اے وی لا کے روگ اندر دا میکوں چھوڑ گئی ہے معصومہ

.....

اوسین و سہ ہنڑ جعفر جو ہئی سرتاج کوں آہدی
سن وارث وسدے گھر دا میکوں چھوڑ گئی ہے معصومہ

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللّٰهُ فَرَجَهُ الشَّرِيف

یا مولا کریم

﴿نوحہ پاک﴾

قیداں تاں چھٹ گیاں ہن کیوں اپنی پاک ما کوں
اکبر گھنن نہیں آیا

ہر توں زیادہ اوں تے امید ہئی اسا کوں

میں صرف پالیا ہا میں سکی ما تاں ناہم
لیکن ہئی ہج زیادہ میڈی ایں مامتا کوں
اکبر گھنن نہیں آیا

اکبر دی پاک ما کوں فرمایا سین رو کے
میں تاں صرف پالیا ہا حیراں ہاں کیوں تہا کوں
اکبر گھنن نہیں آیا

با بے دی پگ دا وارث زنداں توں باہر آ گئے
 رب جانڑے کیا وجہ ہے سجاد جہیں بھرا کوں
 اکبر گھن نہیں آیا

تھی کے رہا جڈاں میں ویرن دے کولھ ویساں
 ڈیساں گلہ میں ایندا سلطانِ کربلا کوں
 اکبر گھن نہیں آیا

جعفرؑ وسے او بی بی سنینؑ کوں ہئی جو آہدی
 کیویں آکھساں میں وَنَج اے ویر با وفا کوں
 اکبر گھن نہیں آیا

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَةَ الشَّرِيفِ

یا مولا کریم

﴿نوحہ پاک﴾

آندیاں پئیں پاک سینیںؑ مریمؑ ردا آ وچھاوے
 بیؑ بی دے قداماں تلے
 خالق کوں کوئی وَنَج کے آکھے عرشِ علیؑ آ وچھاوے

دستور جو سابقہ ہا اِنج وی تاں پورا ہے کرنا
 ٹردی پئی ہے پاک بی بیؑ غازی وفا آ وچھاوے
 بیؑ بی دے قداماں تلے

چانوں قدم جیڑھے ویلے قرآن وی جھک قدم تے
 وانگوں مدینے دے کربل خود انما آ وچھاوے
 بیؑ بی دے قداماں تلے

عرشاں دی اَج شاہزادی آندی پئی ہے سر جھکا کے
 عصمت دی ہے شاہزادی عصمت حیا آ وچھاوے
 بُئی بی دے قدماں تلے

.....
 ہر ویر صلوات پڑھ کے جیویں ہا تعظیم کردا
 اَج دی ہے لازم جو اکھیاں ہر ہک بھرا آ وچھاوے
 بُئی بی دے قدماں تلے

.....
 جعفرؑ ایں ہر ہک دُکھی دے اِنج مک وَنچ کل مصائب
 سارے زمانے دیاں خوشیاں جگ دا خدا آ وچھاوے
 بُئی بی دے قدماں تلے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

اَج سِینِی دِی تعظیم کرن پئے کل مظلوم ہن آندے
سر چا کے پاک ہتھاں تے
پئے استقبال کوں آندے ہن کل مان تے جگ بھیڑاں دے

اے منظر ڈیکھ کے جابر کوں ہنئی کئی واریں غش آیا
سِینِی کوں لہانوں محملاں توں ڈٹھے آندے جگ بھایاں دے
سر چا کے پاک ہتھاں تے

کل مانواں دے دل پھٹدے ہن ایڈا درد انگیز ہا منظر
پئے گھنن ہن آندے مانواں کوں ایں رنگ وِچ نور اکھیاں دے
سر چا کے پاک ہتھاں تے

صلوات ہئی پڑھدا ہر بچڑا ہر سین دے قدم قدم تے
 ٹر آئے ہن استقبال کیے کل سینیں دے مس لہندے
 سر چا کے پاک ہتھاں تے

.....

تطہیر دے پردہ دار جڈاں ٹرے سر وچ خاک روا کے
 اصحاب دے لاشے کنڈ کر کے کھڑے بن وچ ہن کرلاندے
 سر چا کے پاک ہتھاں تے

.....

جعفرؑ انہاں مظلوماں دے ہنڑ گھنے بدلے حسن دا جانی
 جیڑھے سین دی حالت ڈیکھ کے ہن رہے بن بروچ تڑپاندے
 سر چا کے پاک ہتھاں تے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

چل اکبرؑ پتر ہنڑ گھر چلیے تیری بھین اڈیکدی ہونڑی ہے
چل وطن تے نورِ نظر چلیے تیری بھین اڈیکدی ہونڑی ہے

اونے تیری گھڑولی بھرن دے نے اکھیاں وچ خواب سجائے ہونے
شگنناں دیاں گھڑیاں دے سپنے اُونے دل دے وچ نے بسائے ہونے
کچھ شگن اتھوں اسی کر چلیے تیری بھین اڈیکدی ہونڑی ہے

اودے وعدے بھل کے اِنج سونا ویراں نوں چنگا نہیں لگدا
اودا خورے حال اُتھے کی ہونائے دل بھیناں دا نہیں بھل سکدا
لین اودی جا کے خبر چلیے تیری بھین اڈیکدی ہونڑی ہے

جد تینوں ہسدیاں ویتخناں ہے اونوں سارے دکھ بھل جانے نے
 سب گلے شکوے بنڑ اتھرو اُدی اکھیاں توں دُل جانے نے
 اُٹھ ملن اونوں اکبر چلیے تیری بھین اُدیکی دی ہونڑی ہے

.....

جعفرؑ اس ماں دے گھر دے وِچ خوشیاں دیاں پھنواراں پئے جانوں
 جیڑھی پتر جوان نوں کہندی سی اے نہ دل وِچ رہ ارمان جانوں
 سب اکھیاں اتھرو بھر چلیے تیری بھین اُدیکی دی ہونڑی ہے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

نہی پھردی باجھ دعائیں دے ایہا کرن دعا میں آئیاں
تھاڈی نگری کوں رب رنگ لاوے
میں کر کے دعا ٹر ونجناں ہے ، گھن کل ہم درد ستائیاں

اِس نگری وِچ بھائیواں ہاں نہی اپنا حق جتلايا
ڈے اپنا حصہ اکبر کوں میں کوئی احسان نہیں لایا
اوندی پالن والی امڑی ہاں اتے تھاڈی امڑی جائیاں
تھاڈی نگری کوں رب رنگ لاوے

بھائیاں دے بخت کوں ڈیکھ خوشی ہے ملدی کل بھینیں کوں
لیکن اِس گالھ دا صدمہ بہوں محسوس تھیاے سینیں کوں
تساں اپنی نگری وِچ پیدل ہن بھینیں آپ ٹرائیاں
تھاڈی نگری کوں رب رنگ لاوے

ہک ڈینہ تہاڈی ایں شاہی کوں کل خلقت ڈیکھن آسی
 آ تہاکنون پچھسن چن ویرن اتھاں کل مکاں دے واسی
 تہاں کیوں اپنی جاگیر دے وچ نہیں بھینیں نال رہائیاں
 تہاڈی نگری کوں رب رنگ لاوے

اساں شام دا ملک وسانوناں ہے اساں ویر ہیں اللہ راسی
 کوئی کرن زیارت تربت دی اتھاں آسی یا نہ آسی
 رہے تہاڈا بخت عروج اُتے تہاڈیاں قائم رہن نت شاہیاں
 تہاڈی نگری کوں رب رنگ لاوے

جعفرؑ وس پوون او بی بی جو ویر کوں ہن فرمیںدے
 اساں ویر مسافر شام دے ہیں، ہنڑ وطن تے پئے ہیں ویندے
 اساں واپس شام ہے ول ونجناں گھن نال اپنے بھرجائیاں
 تہاڈی نگری کوں رب رنگ لاوے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریمؐ

﴿نوحہ پاک﴾

ہوندائے ساہورا گھر مستور کیے کل بخت اوندی زندگی دا
میڈا ساہورا گھر ایہو کربل ہے
اوند اویہو ہوندائے ساہورا گھر جتھاں ہو سرتاج ڈکھی دا

.....

میڈے پاک سہاگ ایں بن برکوں کیتا خون دے نال آبادے
اے بن بر نہیں ہے ساہورا گھر اتھاں دفن میڈی اولادے
اتھاں سمہ گئے میڈا چن اکبر بھل وقت اپنی شادی دا
میڈا ساہورا گھر ایہو کربل ہے

.....

سرتاج سمیت اولاد ہووے جیڑھی جاہ تے دیرہ لایا
اویہا جاہ ہوندی ہے ساہورا گھر بھانویں ہووے دیس پرایا
باقی کیڑھا وطن ہنڑ بچ گیا ہے دنیا وچ بخت لٹی دا
میڈا ساہورا گھر ایہو کربل ہے

تھاڑے مس لہندے دی امڑی ہاں تھی کھڑیاں بے اولادے
 تہوں ہج امید دے دعوے نہیں رکھدی سرتاج زیادے
 ڈے قبر دی جاہ ہنٹر نال اپنے اُجڑی کوں لعل علیٰ دا
 میڈا ساہورا گھر ایہو کربل ہے

.....

ملے قبر دی جاہ جے ساہورے گھر مل ویندے سکھ ابدی ہن
 تہوں قبر دی جاہ میں منگدی ہاں ڈٹھے ودھ کے درد اُجڑی ہن
 کیا پتر دی نگری وچ ہوندا نہیں اتنا حق امڑی دا
 میڈا ساہورا گھر ایہو کربل ہے

.....

جعفر اکبر دی امڑی ول ڈیکھے لعل دی پاک جوانی
 ڈیکھے سہریاں نال سجائی ہوئی چن بچڑے دی پیشانی
 جو پتر کوں رو فرمیدن ہن ہنٹر کوئی در نہیں اُجڑی دا
 میڈا ساہورا گھر ایہو کربل ہے

.....

﴿آمین یا رب العالمین﴾

الْحَمْدُ لِلّٰہِ وَ شُکْرًا لِصَاحِبِ الزَّمَانِ عَجَّلَ اللّٰہُ فَرَجَہُ الشَّرِیف

یا مولا کریم

﴿نوحہ پاک﴾

بھائیاں دے شہر توں میں کیا کیا لٹا کے آئی ہاں
 کہیں کوں میں کیا ڈسیساں
 اکبر دے شہر توں اے حالت بنڑا کے آئی ہاں

سب جانڑدن جو میڈا سورج حیا ہا کیتا
 بازار شام وچ کیوں خطبے سنا کے آئی ہاں
 کہیں کوں میں کیا ڈسیساں

ہامی ڈو جہاں دی ملکہ ، شہزادیء عرب ہم
 بھرجائیاں نال کیویں میں امن نبھا کے آئی ہاں
 کہیں کوں میں کیا ڈسیساں

پردہ شرم حیا ہئی مشہور ساڈے گھر دا
 کونے توں شام توڑیں جیڑھے دُکھ اُٹھا کے آئی ہاں
 کہیں کون میں کیا ڈسیاں

دھیاں پتراں بھریا گھر ہا ، سئے ناز ہم کریندی
 کل گھر وچوں میں کیوں ہک عابد بچا کے آئی ہاں
 کہیں کون میں کیا ڈسیاں

جعفرؑ اے شاہزادیؑ ڈیکھے وسدا پاک گھر کوں
 آہدن جیڑھے بھرا کیوں کر بل رہا کے آئی ہاں
 کہیں کون میں کیا ڈسیاں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَةَ الشَّرِيفِ

یا مولا کریمؐ

﴿نوحہ پاک﴾

جنہاں ڈٹھا ہا ٹردا وطن اُتوں ساکوں غازی عزتاں نال
او ڈیکھن آ کھڑسن

پئی واپس آندی ہے وطن اُتے کیویں ویرن دی بھائیواں

.....

جڈاں ٹری ہامی میں وطن اُتوں ہن بخت دے عین ڈوپہراں
کل عورتاں شہر مدینے دیاں ہن روندیاں جوڑ قطاراں
جڈاں ہنٹر ویسوں تاں وطن اُتے ساڈا اُجڑیا اے کل حال
او ڈیکھن آ کھڑسن

.....

جڈاں ٹریاں ہاسے وطن اُتوں ہن سوہنٹریں جگ پتراں دے
ساڈے محملاں دے چوگردوں کل مس لہندے نظر ہن آندے
جے ویسوں باجھ انہاں پتراں دے لٹوا کے بخت اقبال
او ڈیکھن آ کھڑسن

ساڈے وسدے گھر تے دنیا دا ہر فرد ہئی رشک کریندا
 جڈاں غازی بنڑیندا ہا پردے ساڈا مان ہا بہوں ودھ ویندا
 امڑی دی مزار تے ہنڑ جسدِ میں ویساں کھول کے وال
 او ڈیکھن آ کھڑسن

جنہاں ڈٹھا ہا ٹردا وطن اُتوں شاہی انداز دے نالے
 تنکیاں تلواراں دے پہرے ڈٹھے ہن بازار وچالے
 بے وارثاں وانگوں جے ویسوں ، کر ویرن آپ خیال
 او ڈیکھن آ کھڑسن

جعفرؑ ول سینؑ آسی وطن اُتے گھن اکبرؑ دی باراتے
 جنہاں ڈٹھا ہا خالی سینؑ دا گھر مظلومی دے حالاتے
 کیویں وس پئی ہے ہنڑ وطن تے ، دو عالم دی لچال
 او ڈیکھن آ کھڑسن

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

میں توں پچھدی ہے ما اصغرُ دی میں رہیاں ڈھیر گولیدی
 اصغرُ دی مزار نہیں لبھدی
 میں سارا بن ڈکھ آئی ہاں میکوں متا ہے تڑپیدی

.....
 اصغرُ دا ملن ہے مشکل گل قبر کوں لا میں گھدی
 معصومہ بھین دے اونکوں کجھ حال سنا میں گھدی
 میں ایں سارے صحرا وچ رہیاں کوشش ڈھیر کریدی
 اصغرُ دی مزار نہیں لبھدی

.....
 میڈے سامنے جیڑھی جاہ تے ہاسی بابے مزار بنڑائی
 او مزار تاں میڈے ڈھیریں ناہی اصغرُ کوں راس آئی
 ساڈے ونجن دے بعد نہ جانے رہی ہے کتھ خلقت دینیدی
 اصغرُ دی مزار نہیں لبھدی

ہوئی لوریاں کیتے سکدا کیوں جو لوریاں دا ہئی عادی
 میں لوری لعل کوں ڈیندی ہئی حسرت بیوہ ما دی
 میں قبر کوں لوری ڈے کے ممتا دی پیاس بکھیندی
 اصغر دی مزار نہیں لبھدی

.....

لا سینے نال اوندی تربت ہک رات گزار میں گھندی
 اصغر دے وانگ لحد کوں کر رنج کے پیار میں گھندی
 میں ما ہاں میڈے دل دی کجھ پیاس توڑے مٹ ویندی
 اصغر دی مزار نہیں لبھدی

.....

جعفر معصوم دی امڑی ول پتر کوں جھولی پاوے
 جیڑھی وچ کر بل دے آ کے کھڑی سین کوں آپ ڈساوے
 میڈی ممتا بہوں بے چین ہے ، رہیاں ہر ہک چارہ لیندی
 اصغر دی مزار نہیں لبھدی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریمؐ

﴿نوحہ پاک﴾

قاسم توں ہنڑ وطن تے سہرہ ولا سجا کے
بنریؑ دے نال جل توں

جیویں بنرے گھر دو ویندن بنری کوں نال لا کے

.....

پہلی دفعہ جاں بنری گھر ساہورے ہے آندی
ہووے بنرا نال خواہش ہوندی ہے بنریاں دی
دستور دے مطابق سہرے سکھن دے پا کے
بنریؑ دے نال جل توں

.....

بابے کوں اپنی بنری میڈا لعل جل ڈکھا توں
گھن خود سلامی وَنج کے سہرہ وی وَنج چما توں
میں وی نونہہ دے ویسیاں سنوئاں دی مہندی چا کے
بنریؑ دے نال جل توں

رنگ بیوگی دا گھن کے ڈکھی کیویں وطنیں جاوے
 تہاڈے بابے کوں رنڈیپا بنی کیویں وَنچ ڈکھاوے
 میڈا چن ہے اے مناسب ، اینکوں ول بنی بنڑا کے
 بنری دے نال جل توں

.....
 ویسوں جڈاں وطن تے ڈیکھن زمانہ آسی
 احساس بیوگی دا بنری دے دل کوں کھاسی
 ہنڑ لعل سہرہ پا کے ، گانا ہتھیں بدھا کے
 بنری دے نال جل توں

.....
 جعفرؑ او پاک امڑی ڈیکھے خوشی بنی دی
 آہدی ہئی جو اے حالت برداشت ہنڑ نہیں تھیدی
 قاسم توں ہنڑ وطن تے ڈکھ درد کل بھلا کے
 بنری دے نال جل توں

.....
 ﴿آمین یا رب العالمین﴾

الْحَمْدُ لِلّٰہِ وَ شُکْرًا لِصَاحِبِ الزَّمَانِ عَجَّلَ اللّٰہُ فَرَجَہُ الشَّرِیف

یا مولا کریم

﴿نوحہ پاک﴾

آ ورین میکوں گل چا لا بہوں مدت رہی ہاں میں سکدی
ٹر آئی ہاں میں من کے مرضی زخم جگر دی چھک دی

بھائیاں نال میں آئی ہم ہن لکھ عزتاں اُجڑی دیاں
چھوڑ گئے ہو کل ویر میکوں ہوسی اے مرضی مالک دی

باجھ کفن تہاکوں ڈکھ کے گئی ہم او منظر ہن تازے
اکھیاں دے وِچ آج وی باقی لاش پئی ہے ہک ہک دی

باجھ بھرانواں دے جیون دی خواہش وی ہئی مر گئی
مل گھندی میں بعد تہاڈے رب دی قضا جے وِکدی

ہک واریں میگوں گل چا لا ہاں میں تاں مسافر ویرن
 ہاں مہمان میں چند ڈینہ ویرن ڈھیر اتھاں نہیں ٹکدی

.....

جعفرؑ سین دے گلشن دے وِچ ابدی بہاراں آنون
 ہر گل پھل دے نال مسرت رہے ہر آن چھکدی

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

ہمشیر کیے تیڈا کوئی وی دُکھ چن ویر بھلانوناں مشکل ہے
تیڈا لہنزاں بنڑ کے درداں دی تصویر بھلانوناں مشکل ہے

جیڑھے ظالم امت وسائے ہن ہمشیر دے جگر تے چن ویرن
پیوست ہا جو تیڈے جسم دے وِچ ہر تیر بھلانوناں مشکل ہے

تہاڈا لعل دے پاسے ٹر جلناں کھرام اُنوں مستوراں دا
گھوڑے توں لہندی نانے دی تصویر بھلانوناں مشکل ہے

کل شام غریباں دے صدمے میڈے ذہن اِچ آج وی نقش کھرن
جیویں بنری کون گھن باہر آئی ہم ، شبیر بھلانوناں مشکل ہے

میں کوفے شام دے درباراں وچ پتر کوں روند اڈٹھا ہے
غیور دیاں سرخ اکھیاں دا ہر نیر بھلانوناں مشکل ہے

ساڈا بارہواں لعل ہنڑ آ گھنسی کل بدلے ساڈے دشمنناں توں
جعفرؑ اوندے پاک خروج دی اے تاخیر بھلانوناں مشکل ہے

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

قرآن جیندی دہلیز کوں چم ہئی منگدا اذن نزولِ
 اوں سین دا نام بتولِ
 خالق دے دین مقدس وچ جیڑھی اصلی اصل اصولِ

مریم دا تقدس ہا جیندی نعلین دے بوسے گھندا
 جیندی تعظیم کوں اٹھدے ہن قرآن سمیت رسولِ
 اوں سین دا نام بتولِ

کیتی چاک سند حق غصب کیتا ہئی پاسہ زخمی کیتا
 جہاں اجر رسالت امت کنوں کیتا ایں رنگ نال وصولِ
 اوں سین دا نام بتولِ

جیندی وِچ دربار دے امت شقی چا ہئی تعظیم بھلائی
توحید و رسالت دا کلمہ جیندے ادب بغیر فضول
اوں سین دا نام بتول

.....

جعفر دی دعا ہے دنیا تے تھیوے محسن لعل دا بدلہ
جیں سین دے کرم دے نال تھیں ساڈی پاک دعا مقبول
اوں سین دا نام بتول

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

قسمت ڈکھائیے میکوں دربار ڈیکھ آئی ہاں
کیویں پردہ دار ڈیندن نروار ڈیکھ آئی ہاں

مسجد دے وچ میں ڈٹھائے اتنا ہجوم وَج کے
گویا میں شام والا بازار ڈیکھ آئی ہاں

کھڑا ہا حسین میڈا آج نال انج بھرا دے
کھڑا پتر نال روندی بیمار ڈیکھ آئی ہاں

ٹکڑے سند دے ڈٹھائے سلمان کوں میں چنڑوا
قاسم دی سچ تھیدی تیار ڈیکھ آئی ہاں

کونے تے کربلا دی بنیاد ہے رکھی گئی
نیزے یزیدیت دے تیار ڈکھ آئی ہاں

.....

جعفرؑ وسے او بی بی دھیاں کوں ہئی جو آہدی
بابے دے منبراں تے اغیار ڈکھ آئی ہاں

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيف

یا مولا کریم

﴿نوحہ پاک﴾

دربارِ وچوں میں آئی ہاں جیڑھے ٹکڑے سند دے چا کے
 بابے کون وَنج ڈُکھیاں
 جیویں وَچِ دربار دے گئی ہم غربت دے حال بنڑا کے

ہنے پاک گواہ جھٹلائے تعظیم میڈی اَج تھئی نہیں
 جیڑھا امت سلوک ہے کیتا میکوں مسجدِ وَچِ سڈوا کے
 بابے کون وَنج ڈُکھیاں

او پچھسن امت ہے کیتا تہاڈا پہلو زخمی کیویں
 میں زخمی ایں پہلو توں ہتھ حسرت نال ہٹا کے
 بابے کون وَنج ڈُکھیاں

میڈے محسن لعل کوں تساں میڈے نال چا دفن کراہے
 اصغر دے وانگ ایں چن کوں میں وِچ جھولی دے پا کے
 بابے کوں وَنچ ڈُکھیاں

.....

میڈی جھولی دے وِچ امت میڈا لعل شہید چا کیتائے
 ایں لعل دا زخمی سر میں ایویں خون دی مہندی لا کے
 بابے کوں وَنچ ڈُکھیاں

.....

جعفر دا وارث گھن توں ایں ڈاڈی پاک دے بدلے
 جو ہئی آہدی لہو پتراں دے چہرے تے میں آپ سجا کے
 بابے کوں وَنچ ڈُکھیاں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

تساں ماہے بنڑناں سارے گھر دی تہاکوں تہوں ہاں ڈیندی کمسن بچڑی
 آل عبا دی پارت ہووی
 نانے دی لچ تساں ہے رکھنی کل انبیاء دی محسن بچڑی
 دین خدا دی پارت ہووی

.....

بابے دا مان بچڑے ہوندن ہوندیاں دھیاں مان مانواں کیتے
 بھینیں جو توڑے ہونون کمسن ما بنڑدین بھرانواں کیتے
 رکھیں خیال کل بھائیاں دا اگوں دُکھ مسلسل آسن بچڑی
 ہر ماہ لقا دی پارت ہووی

.....

مظلوم ہے ہر توں تہاڈا ویرن ایندے نال ہر قدم تے راہویں
 ایندی لاج توں رکھانویں پچڑی بازار وںجناں پوے بھانویں
 ایندے خون کوں بچانویں ہرم دُکھ جس قدر وی آنون پچڑی
 سوہنٹریں بھرا دی پارت ہووی

عبّاس آوے جگ تے جسدِ میڈی طرفوں اوکوں وَنَج کے چانویں
 ڈیویں سلام میڈے اوکوں ہتھ اوندے چم اکھیں تے لانویں
 تہاڈے پردیاں دا ضامن او ہے دُکھ اوں تے کوئی نہ آنون پچڑی
 اوں با وفا دی پارت ہووی

جعفر دے پاک وارث آ کے تہاڈے دُکھ مکاونٹریں ہن سارے
 ویران جو کرلیں امت او گھر وساونٹریں ہن سارے
 ڈینہ رات تیڈے گھر اطہر کوں کرسن دعائیں مومن پچڑی
 ہر دی دُعا دی پارت ہووی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

سجّاد ویر میڈی وَنَج کے لحد بنڑانویں
اکبرؑ بھرا دے کولھوں
شامِ اِچ نہ راہوے اُجڑی ہر حال چا پچانویں

اکبرؑ دے ہجر دے وِچ رہیاں روندی عمر ساری
وقتِ آخری توں ویرن میکوں دفن چا کرانویں
اکبرؑ بھرا دے کولھوں

رہیاں عمر بھر میں سکدی ، قبراں جدا نہ ہونوں
دُکھ ہجر دا نہ راہوے ، میکوں ویر چا سمہانویں
اکبرؑ بھرا دے کولھوں

ورین تاں ٹر نہیں آیا میں بھین ہاں میں ویساں
میڈی قبر بنڑا کے تلقین چا سسڑانویں
اکبرؑ بھرا دے کوٹھوں

قبراں جے نال ہوسن دُکھ درد تاں ونڈیاں
کجھ حال میں دُکھی دے چن ویر توں ڈسانویں
اکبرؑ بھرا دے کوٹھوں

جعفرؑ دعا کریندائے ہجراں ستائی بی بی
وسیں شاد ول دوبارہ دنیا تے اللہ بھانویں
اکبرؑ بھرا دے کوٹھوں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریمؑ

﴿نوحہ پاک﴾

کونین وچ ڈکھاں دی ہک وکھری کربلائے
ہمشیر دی ضعیفی ، چن ویر دی جوانی
اکبرؑ دے پیار دی اے محشر تائیں گواہے

.....

کہیں بھین کوں نہیں اتنا صدمہ ہويا بھرا دا
ست سال وچ ضعیفی گیا ڈے رسولؐ زادہ
قائم مثال کر گئی ، درداں دی انتہائے
ہمشیر دی ضعیفی ، چن ویر دی جوانی

.....

اکبرؑ دی بھین جسم برقعہ آہی وٹایا
سجاد کوں ڈکھی دے ہجراں ہا بہوں رُوایا
ہن آہدے میڈے کیستے محشر کیتا پپائے
ہمشیر دی ضعیفی ، چن ویر دی جوانی

رب جانڑے پیار کتنا ہانے بھرا دے نالے
 کیتیاں نہ بند اکھیاں اُجڑی کفن وچالے
 درداں دی بنڑ کے بدلی گئی پاک گھرتے چھائے
 ہمیشہ دی ضعیفی ، چن ویر دی جوانی

محشر تائیں روئیسی اے یادگارِ الفت
 احساس دے جہاں وِچ ابدی ہے اے قیامت
 مظلومیت دے صدمے ودھ ہر توں ہن ہنڈھائے
 ہمیشہ دی ضعیفی ، چن ویر دی جوانی

ایں بھین تے بھرا کوں آج تائیں نہ رب ملایائے
 ساڈے سخی کوں جعفرؑ صدیاں لہو روایائے
 اے غم لطیف غم ہے ، دُکھ دی نویں ادائے
 ہمیشہ دی ضعیفی ، چن ویر دی جوانی

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولاکریم

﴿نوحہ پاک﴾

آکھیا دانی میں ڈکھ آئی ہاں گل حسن امیرکوں لائی بیٹھائے
تھاڑے بابے دا ہے زخمی سرخود وِچ جھولی دے پائی بیٹھائے

.....

شبیر کھڑوتا روندنا ہے سر خاک روا کے مسجد وِچ
رنگین عمامہ بابے دا تھاڑا غازی ویرن چائی بیٹھائے

.....

کر چاک عمامہ خود پٹیاں تھاڑا سوہنٹراں ویر بدھیندا پئے
لیکن انج زخمی ہے سر اطہر بابے دی تانگھ لہائی بیٹھائے

.....

عبّاس دے چھوٹے ویر یکے بیٹھے قدم گھٹیندن بابے دے
لیکن ہر ویر یتیمی دی رو رو کے شکل بنڑائی بیٹھائے

.....

گھر وچ گھن آنوناں چاہندے ہن جڈاں چیندن خون ہے ودھ ویندا
اے حالت دیکھ کے بابے دی ہر پچڑا خاک روائی بیٹھائے

.....

ہر ظلم دا بدلہ ہو جعفر ساڈا وارث جگ تے جلد آوے
رب جانڑے کل دُکھ صدیاں توں کیویں وارث پاک پچائی بیٹھائے

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللَّهُ فَرَجَهُ الشَّرِيفُ

یا مولا کریم

﴿نوحہ پاک﴾

عبّاس تہاڈیاں بھینیں ہن اَج وین کریندیاں پیاں
وَنج لوگ ہٹاؤ دروازے توں
سنے وین نہ کوئی تہاڈیاں بھینیں دے ہن نیر وہندیاں پیاں

میڈا دل برداشت نہیں کر سنگدا آواز ونجے غیراں تائیں
ہے آخری رات اَج دھیاں ہن ڈکھ درد وٹھندیاں پیاں
وَنج لوگ ہٹاؤ دروازے توں

اساں چاہندے ہیں جو اَج ڈکھیاں نہ اجھک اجھک کے رونوں
اَج پہلی واری زندگی وِچ ہن حال سنڑیندیاں پیاں
وَنج لوگ ہٹاؤ دروازے توں

سنے کوئی آواز نہ سنیں دی کل کوئی گھر ول جانوں
 تہاڈیاں ہمیشراں ساڈی غیرت کوں ہن چن ازمیندیاں پیاں
 وَنَج لوگ ہٹاؤ دروازے توں

.....

پردیس دے وَنَج ہن دُکھ آگئے تہوں صبر دے بن ترٹ گئے ہن
 اَج رحلت اپنے بابے دی ، ہن رل کے سہندیاں پیاں
 وَنَج لوگ ہٹاؤ دروازے توں

.....

جعفرؑ او پاک امیرؑ وسن جو چن کوں ہن فرمیندے
 میڈیاں دھیاںؑ ہن میکوں درواں دے حالات ڈسندیاں پیاں
 وَنَج لوگ ہٹاؤ دروازے توں

.....

﴿آمین یا رب العالمین﴾

اَلْحَمْدُ لِلّٰہِ وَ شُکْرًا لِصَاحِبِ الزَّمَانِ عَجَلَ اللّٰہُ فَرَجَہُ الشَّرِیف

یا مولا کریم

﴿نوحہ پاک﴾

ایس کوئے وِچ میڈی لائق دھی ہک وارتساں ول آنوناں ہے
جیڑھے اُج درتے کھڑے روندے ہن انہاں ہر ہک ظلم و سانوناں ہے

اے مان جوان بھرانواں دا جڈاں او ڈینہ آسن مک ویسی
تساں بنڑ کے امین امامت دا خود پردہ آپ بنڑانوناں ہے

تھاڈے ویر عباس دے علم دی چھاں تھاڈے پاک سراں توں لہہ ویسی
تساں غازی بنڑ کل سینیں دا خود پردہ آپ بچانوناں ہے

شہزادی سمجھ کے کوئے دی جیڑھیاں عورتاں آئین پر سے کوں
انہاں بعد تھاڈے بھائیاں دے تھا کوں بے رنگ دا پرچانوناں ہے

تھاڑے پردے دا ہے رب حافظ نہ فکر کرا ہے شہر دے وِچ
میڈے لہجے وِچ تساں ڈے خطبے توحید دا بھرم رکھانوناں ہے

جعفرؑ ایں سین دے لخت جگر سر تاج سجا کے خوشیاں دا
کل ہم ظلماں دے گھن بدلے گھر پاک اِچ جشن منانوناں ہے

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِصَاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

عینِ جواں ہئی ویر اکبر دا کمر جھکائی ہئی غیرت نے
صبر خداوندی کوں غربت ڈھیر ڈکھائی ہئی غیرت نے

.....

سچ پچھو تاں ہک آنسو بھی عابد خود برسایا نہیں
چالہی سال لہو دی بارش خود برسائی ہئی غیرت نے

.....

جوش و جلال اچ شیر جلی ہن ، جرأت وِچ اسد اللہ ہن
لیکن مظلومی دی حالت آپ بنڑائی ہئی غیرت نے

.....

جتنے ظلم وسائے ہن امت ہونٹاں تے ہئی حمد رہی
لیکن ہنجواں دی رنگت چا کیتی حنائی ہئی غیرت نے

.....

پردہ دار تاں سارے گھر دے ہن تطہیر دے پردے وِچ
لیکن جگر دی نگری وِچ ہک شام سجائی ہئی غیرت نے

.....

جعفرؑ بارہواں آقا ہنڑ تاں اوں بیمار کوں شاد کرے
جیکوں آنسوواں دی مہندی خود آپ لوائی ہئی غیرت نے

.....

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَلَ اللَّهُ فَرَجَهُ الشَّرِيفُ

یا مولا کریم

﴿نوحہ پاک﴾

کچھ شقیں توں بارہواں آقا آہی عابد قصور کیا کیتا
کیڑھے جرم ایج بیمار سید تے ہر ستم ہا تساں روا کیتا

.....

گھن میڈا لعل انتقام ایندا ظالم امت کنوں توں اے وی کچھ
میڈے غیور تے بازار ایج کیوں ظلم توں ظلم ہا سوا کیتا

.....

کیڑھے جرم ایج تساں ایں بیکس کوں کتنے دربار چا ڈکھائے ہن
ایندے کل آنسوواں دا رنگ امت ظلم کر کے ہئی کیوں حنا کیتا

.....

اے تاں روندنا ہا اپنے بابے کوں کیڑھا نقصان ہا زمانے دا
بابے دے سوگ وچ سدا رو کے ایں ہے رونون دا حق ادا کیتا

.....

خون اکھیاں کنوں وسیندا ہئی پاک پردے کوں روندنا رہندا ہئی
 ایندے حق وِچ ہے کیوں شقی امت زہر ڈیون دا فیصلہ کیتا

.....

جعفرؑ ہر سین اُج بھی آہدی ہے منتقم ہوتاں ایں کل گھر دے
 تاہوں عادل سمجھ کے چن بچڑا پیش اسماں ہے مدعا کیتا

.....

﴿آمین یا رب العالمین﴾

الْحَمْدُ لِلّٰهِ وَ الشُّكْرُ لِلصَّاحِبِ الزَّمَانِ عَجَلَ اللّٰهُ فَرَجَةَ الشَّرِيفِ

یا مولا کریم

﴿نوحہ پاک﴾

زندان دے وِچ اَج ٹر گئے ہن ، کوئی آ تابوت چواوے
 دا موسیٰ کاظم
 اَج لاشہ اِنج زنداں دے وِچ نہ بے وارث رہ جاوے

ست سال رہن زندان دے وِچ بڑ کے مہمان ایں امت دے
 نویں مہمانی ہے امت ڈتی کوئی حال تاں ڈیکھن آوے
 دا موسیٰ کاظم

مزدور جنازہ پئے چیندن نہیں فرصت کلمے گویاں کوں
 ایندیاں دھیاں وطن تے رہ گیاں ہن ، کون آ تابوت سہاوے
 دا موسیٰ کاظم

ہن اُنوی پترتاں وطن اُتے لیکن اَج ہک وی سرتے نہیں
ہے لاش دی غربت سڈ آہدی کوئی پتر آ مونڈھا لاوے

دا موسیٰ کاظم

جیڑھے زیور امت پوائے ہن کہیں ہنڑتائیں آن لہائے نہیں
ملعون امت زنجیراں وِچ اے لاشہ نہ دُناوے

دا موسیٰ کاظم

جعفر دی دعا ہے ہر ویلے دُکھ مک جانوں کل پاکاں دے
ہنڑ بدلے گھنن ایں امت کنوں توڑے ہنڑتاں وارث آوے

دا موسیٰ کاظم

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

اعجاز امامت نال رضا جڈاں سر بابے تے آئے
رہے بہوں روندے

ڈٹھے زیور سجے ہوئے بابے دے جڈاں چم اکھیاں تے لائے

.....

ڈٹھی لاش زمین تے بیکس دی آ پل بغداد تے بچڑے
ہن آہدے ٹرن دے بعد وی نہیں چا زیور امت لہائے
رہے بہوں روندے

.....

پایا سر بابے دا جھولی وچ انداز ہا انج غربت دا
رہے چمدے ہک ہک زیور کول جو ہن امت لعین پوائے
رہے بہوں روندے

.....

بھینیں دی طرفوں بابے دی پیشانی چمڈے رہ گئے
 جڈاں چم کے گسٹیاں امڑی دے ہن سید سلام پچائے
 رہے بہوں روندے

.....
 دُتا غسل و کفن خود پاک رضا بابے مظلوم کوں جسم
 گھس زیوراں دے جڈاں نظر آئے چا غربت درد ودھائے
 رہے بہوں روندے

.....
 جعفر ہنڑ او مظلوم سید ڈیکھے دل بابے کوں وسدا
 جنہاں سر بابے دا پا جھولی ہن کل ڈکھ کھول سنائے
 رہے بہوں روندے

.....
 ﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَهُ الشَّرِيفَ

یا مولا کریم

﴿نوحہ پاک﴾

آکھو وَنَجْ ملعون عباسی کوں توں خوشیاں منا میں ٹر ویساں
جیڑھی زہرِ نفیٰ کوں مل گئی ہے ایندے دردِ پچا میں ٹر ویساں

اے زہرِ اساڈا ورثہ ہے ، میں وارث ہم میکوں مل گیا ہے
آج جگر دے ٹکڑے طشت دے وِچ خود آپ سجا میں ٹر ویساں

میڈی بھین ہے وانگوں ڈاڈی دے آج طشت ہتھاں تے چائی بیٹھی
پئی خون دی قے میکوں آندی ہے ، ایندا جگر ازما میں ٹر ویساں

میڈے عسکر مئی لعل دے سر تے ڈکھ بے وقت یتیمی دا آ گئے
دستار یتیمی بچڑے کوں خود آپ بدھا میں ٹر ویساں

جعفر دے وارث آ نوناں ہے اوں آ گھر پاک وسانوناں ہے
ایہے چند گھڑیاں ہن زندگی دیاں اونکوں کر کے دعا میں ٹر ویساں

﴿آمین یا رب العالمین﴾

الْحَمْدُ لِلّٰهِ وَ شُكْرًا لِصَاحِبِ الزَّمَانِ عَجَّلَ اللَّهُ فَرَجَةَ الشَّرِيفِ